

250.53
136
7

義寧州志

十七卷
人物志
忠義列傳
鄉賢
官蹟
名臣

第七冊

義寧州志卷第十七

人物目錄

漢

劉陵

鄧通

鄧遐

晉

俞益期

唐

沈季詮

南唐

胡則

鄉賢

宋

義寧州志

卷十七

人物目錄

余良肱

徐禧

黃庭堅

冷應激

章鑑

明

石彥誠

周季麟

周季鳳

查仲道

陳郇

余學賢

周期雍

周希令

陳存之

查兆先

周必強

國朝

萬承風

名臣

宋

黃廉

余卞

余爽

黃大臨

冷志

王本

黃叔敖

徐俯

王鈇

黃次山

黃犖

余玠

章沂孫

元

祝彬

冷敬先

明

艾旭

彭勝玉

忠義

宋

黃介

胡敬方

元

義寧州志

卷十七

人物目錄

二

吳德文

祝興可

毛仁可

姜本道

方珉

周天與

胡宗武

明

陳龍

陳良

蕭良

周瑾

周季珊

國朝

許文龍

冷朝旭

胡宗定

宦蹟

宋

莫景

孟安序

莫將

徐瑀

黃然

黃霽

黃榮

元

冷復先 巽先臨先 榮應瑞

宋季安

明

胡仲轄

胡仕謙

王瑛

潘衡

冷守中

余溉

周叔慈

周季邦

查仲儒

余功正

陳大模

祝文

鄒邦欽

黃文聖

陳思忠

徐學軻

徐一文

余學申

周元相

王宗卿

陳以蘊

陳以志

何定遠

劉公元

義寧州志

卷十七

人物目錄

三

國朝

程九萬

鍾期逢

陳鏐

徐耀祖

周孔易

陳希黻

陳希賢

余芬

榮錫楷

黃迪

王瀾

張瑜

袁珥

溫溶

張問行

李崑

儒林

宋

黃當

元

雷光庭

明

程翼

冷自誠

國朝

周孔從

文苑

宋

黃茂宗

黃注

黃庠

南宮覲

黃庶

戴輿

黃叔達

黃公準

余彥倫

黃談

徐壁

南宮靖一

祝慶夫

元

義寧州志

卷十七

人物目錄

四

程以臨

章楫

明

周維翰

章煥

張幼文

周賁

王天發

張誠吾

王西泉

鄒科

陳嘉璣

國朝

熊廷瑁

余應荃

徐名緯

陳欽殷

徐淮

徐名識

何江

溫士英

胡崇憲

陳嘗

姚修經

熊勒

陳家聲

劉顯祖

朱之麟

何易謙

陳昌言

陳洪衮

張禹遜

陳豐

劉學俊

張月鹿

徐名世

熊高福

鄧岳

姚才燦

查林

陳惠侯

徐文幹

陳懋敬

孝友

宋

黃薰

黃用中

元

夏經孫

余貞

王仕俊

明

黃啗

周銘

周淑材

陳鳳岐

查鼎已

查孟泰

義寧州志

卷十七

人物目錄

五

周彥中

陳孔勗

查景元

陳以相

盧尚庭

周必顛

陳嘉瑤

姚修玉

夏仲宣

國朝

溫奇梧

周京

陳欽振

羅錦文

熊元鳴

許一愚

曹遠容

張鉅賓

查崇德

冷時梅

盧禹仁

張材成

義行

元

祝寧

明

查雋

榮侃

帥志賢

查恕

劉海澄

查孟常

劉用禮

胡浪

國朝

陳密

榮廷彥

胡全法

何曰機

子津

張楊斌

周莢

查承瑛

胡機

王際春

隱逸

宋

黃育

黃靡

元

熊晉孫

余存庚

時克仁

義寧州志

卷十七

人物目錄

六

明

時軫

周叔襄

國朝

徐相

周必昌

熊廷幹

善士

宋

章庭

明

劉孟芳

石勝卿

陳潛

榮景華

劉昕

幸泰

周自勉

劉仲堅

鄒啟詔

徐來

徐一位

周繼文

陳以標 張侍臣 王公銳
王公侃 王子閏 冷一聘
朱國奇

國朝

周孔熙 余嘉袍 劉日章

徐以南 溫體元 萬選

何曰恭 陳文捷 熊逞祥

張烈 羅秉燾 袁繼照

胡果玉 涂鳳伯 張渾

胡聖緒 熊勃 何清

胡琳玉 胡嵩梧 何松

杜良煥 胡荷 榮萬掄

義寧州志 卷十七 人物目錄 七

胡全雲 饒禧 方學齊

胡全霞 張達 胡全霽

胡起鰲 張起鵬 鄔明泰

李嗣宣 王斌 王朝傑

劉象純 張遜 冷光廷

朱晚成 榮潤 韓光墀

張遂 劉躍龍 胡澄源

徐林 查經 李際春

梁玉 陳希鏡 龔禧

彭秀萬 魯大治 余谷春

周大福 石萬川 吳學成

義寧州志卷第十七

人物

地靈人傑古艾多賢粵稽炎漢劉鄧偉然晉唐之世紀載
罕傳自宋而後英豪比肩瞽宗之祀義所當先勲猷氣節
忠孝昭宣文行名實蒐羅以全

聖教覃洽才德山淵先型具在後來勉旃志人物

列傳

漢

劉陵字孟高豫章艾人和帝時為長沙安成長先是長沙多
虎為百姓患陵到官逾月虎悉出境民復還其居入為侍
中車駕出祀南郊陵驟乘上起早升輿假寐陵跪曰陛下
萬乘主宜立正配天雖尊神欲寢不當上為天地靈祇下

義寧州志

卷十七

人物

四百六十

為羣臣萬姓觀覩乎上有愧色曰敬受侍中斯言以為後

戒

謝承後漢書 崇鄉有劉侍中祠祀陵 通志云寧州

鄧通字子淵

一作淵

豫章西平人沈毅有學行官馮翊太守不

通賓客不交書疏凝然恬默京師號曰鄧獨坐

南昌耆舊記初

下車時治豪強四海號良吏為豪強所病後遷越騎校尉

為營吏士所敬畏天下嘆之

藝文類聚引 謝承後漢書

太平寰宇記曰西平故城在武寧縣西二百九十七里

漢書云鄧通西平人即此縣也 按范蔚宗後漢書無

鄧通豫章古今記及謝承後漢書俱不云西平人舊州

志及劉氏拾遺載鄧通故宅在西鄉六十七都近西平

故城子姓尚有居其址者鄧氏譜漢高密侯第三子珍

國公生子鑛為南昌縣尉卜西山鄧城居之鑛子夢秋

尉海昏遂家西平夢秋生民仰仰生通以經術顯明帝時拜左馮翊性介靜學者稱獨坐先生世居西平即漢之西安縣也

南昌耆舊記曰自漢以來豫章有四姓胡羅鄧熊稱衣冠盛族鄧氏自漢馮翊太守鄧通而下有晉散騎常侍鄧粲吏部尚書即鄧混鄧元鎮南長史鄧潛之宋光祿勳鄧胤鎮軍長史鄧琬宋書有傳皆著南昌人

鄧遐西平人襄陽沔水隈潭極深先有蛟為害遐為襄陽太守拔劍入水蛟繞其足遐自揮劍截蛟數段流血丹水勇冠當時於後遂無蛟害

北堂書鈔引荆州記稱西平鄧遐是即西平人也藝文類聚作晉時人

晉

俞益期豫章人性氣剛直不下曲俗遠適交州與豫章守韓康伯書論檳榔以寄况著交州牋傳於世論載藝文

義寧州志

卷十七

人物

二

四百九十

按晉地理志太康元年豫章郡統縣十六改西安縣為豫章縣後人混以豫章為南昌不知十六縣中本有南昌而西安本屬分寧漢晉人物多亡逸今錄其可據者從晉史訂入

唐

沈季詮字子平洪州豫章人少孤事母孝未嘗與人爭皆以為怯季詮曰吾怯乎為人子者可遺憂於親乎貞觀中隨母渡江暴風母溺水死季詮號呼投江中少頃持母臂浮出水上都督謝叔方具禮祭而葬之

唐書本傳○困學紀聞釋孝經在醜夷不

爭引季詮事為證

按豫章縣自晉太康歷五代至唐貞元始改分寧縣蓋唐初貞觀時尚屬豫章也其間四百餘年典籍無稽人

物寥寥或混入他縣者尤有待於蒐羅

南唐

胡則後主末為江州指揮使金陵陷曹彬以後主手書喻郡縣悉以城降書至江州刺史謝彥賓集將佐視之謀納款則憤形於色亟出謂其下曰吾屬世受李氏恩安可負之且此書真偽不可知刺史不忠欲污是州爾輩能從我死忠義乎眾皆曰善乃率同列宋得明等大譁入攻彥賓執而殺之眾推則為刺史號令肅然堅壁死守太祖命曹翰攻之堅不可破翰軍死傷者眾會則疾革卒城始陷陸游南唐書

按嘉慶十四年奉仙鄉古仙壇里陷出一宋碑為乾興

元年所瘞者徐曙妻胡夫人墓碑序胡父城城祖則自

義寧州志

卷十七

人物

三

四百四十二

晉江夏太守後徙居豫章西安武寧鄉馴獸里是則為西安人確矣南唐書不載里居者以當時避曹翰屠虐禍遺之也

鄉賢

宋

余良肱字康臣洪州分寧人第進士調荆南司理叅軍屬縣捕得殺人者自誣服良肱視驗屍與刃疑之曰豈有刃盈尺而傷不及寸乎白府請自捕逮未幾更獲真殺人者民有失財物逾十萬逮平民數十人方暑榜掠號呼聞於外或有附吏耳語良肱陰知其為盜亟捕詰之贓盡得改大理寺丞出知湘陰縣縣逋米數千石歲責里胥代輸良肱論列之遂蠲其籍通判杭州江潮善溢漂官民廬舍良肱

壘石隄二十里障之潮不為害時王陶為屬官常以氣犯府帥吏或訴陶帥挾憾欲按之良肱不可曰使陶以罪去是以直不容帥遂已後陶官於朝果以直聞知虔州士大夫死嶺外者喪車自虔出多弱子寡婦良肱悉力振護孤女無所依者出俸錢嫁之以母老得知南康軍丁母憂服除為三司使判官方闕陝用兵朝議貸在京民錢良肱力爭之會大臣亦以為言議遂格內府出腐幣售三司三司吏將受之良肱獨曰若賦諸軍軍且怨不則貸諸民民且病請付文思以奉帷幄改知明州朝廷方治汴渠留提舉汴河司汴水澱淤流且緩執政主狹河議良肱謂善治水者不與水爭地方冬水涸宜自京左浚治以及畿右三年可使水復行地中弗聽又議伐汴隄木以資狹河良肱言

自泗至京千餘里江淮漕卒接踵者行多病暍藉蔭以休又其根盤錯與隄為固伐之不便屢爭不能得迺請不與其事執政雖怒竟不為屈改太常少卿知潤州遷光祿卿知宣州治為江東最請老提舉洪州玉隆觀卒年八十一七子卞爽最知名

宋史

徐禧字德占洪州分寧人少有智度博覽周游以求知古今事變風俗利疚不事科舉熙寧初王安石行新法禧作治策二十四篇以獻時呂惠卿領修撰經義局遂以布衣充檢討神宗見其所上策曰禧言朝廷用經術變士十已八九然竊襲人之語不求心通者相半此言是也宜試於有用之地即授鎮安軍節度推官中書戶房習學宮事歲餘召對顧問久之曰朕多銳人未見有如卿者擢太子中允

館閣校勘監察御史裏行與中丞鄧綰知諫院范百祿雜治趙世居獄李士寧者挾術出入貴人間嘗見世居母康以仁宗御製詩贈之又許世居以寶刀且曰非功不可以當此世居與其黨皆神之曰士寧二三百歲人也解釋其詩以為至寶之祥及鞫世居得之逮捕士寧而宰相王安石故與士寧善百祿劾士寧以妖妄惑世居致不軌禧奏士寧遺康詩實仁宗製今獄官以為反臣不敢同百祿言士寧有可死之狀禧故出之以媚大臣朝廷以御史雜知樞密承旨參治而百祿坐報上不實貶進禧集賢校理檢正禮房安石與惠卿交惡鄧綰言惠卿昔居父喪嘗貸華亭富人錢五百萬買田事詔禧叅鞫禧陰右惠卿綰劾之會綰貶官獄亦解禧出為荆湖北路轉運副使元豐初召

知諫院惠卿在廊延欲更番漢兵戰守條約諸老將不謂然帝頗采聽將推其法於他路遣禧往經畫禧是惠卿議渭師蔡延慶亦以為不然帝召延慶還加禧直龍圖閣使往代以母憂不行服除召知制誥兼御史中丞官制行罷知制誥專為中丞鄧綰守長安禧疏其過帝知其以惠卿故雖改綰青州亦左遷禧給事中种諤西討得銀夏宥三州而不能守延帥沈括欲盡城橫山瞰平夏城永樂詔禧與內侍李舜舉往相其事令括總兵以從李稷主餽餉禧言銀州雖據明堂川無定河之會而故城東南已為河水所吞其西北又阻天塹實不如永樂之形勢險阨竊惟銀夏宥三州陷沒百年一日興復於邊將事功實為俊偉軍鋒士氣固已百倍但建州之始煩費不貲若選擇要會建

置堡柵名雖非州實有其地舊來疆塞乃在腹心已與沈括議築砦各六砦之大者周九百步小者五百步堡之大者二百步小者百步用工二十二萬遂城永樂十四日而成禧括舜舉還米脂明日夏兵數千騎趨新城禧亟往視之或說禧曰初被詔相城禦寇非職也禧不聽與舜舉稷俱行括獨守米脂先是种諤還自京師極言城永樂非計禧怒變色謂諤曰君獨不畏死乎敢誤成事諤曰城之必敗敗則死拒節制亦死死於此猶愈於喪國師而淪異域也禧度不可屈奏諤跋扈異議詔諤守延州夏兵二十萬屯涇原北聞城永樂即來爭邊人馳告者十數禧等皆不之信曰彼若即來是吾立功取富貴之秋也禧亟赴之大將高永亨曰城小人寡又無水不可守禧以為沮衆欲斬

之既而械送延獄比至夏兵傾國而至永亨兄永能請及其未陳擊之禧曰爾何知王師不鼓列禧執刀自率士卒拒戰夏人益衆分陣迭攻抵城下曲珍兵陳於水際官軍不利將士皆有懼色珍白禧曰今衆心已搖不可戰戰必敗請收兵入城禧曰君為大將奈何遇敵不戰先自退邪俄夏騎卒渡水犯陳鄜延選鋒軍最為驍銳皆一當百銀槍錦襖光彩耀日先接戰而敗奔入城蹂後陳夏人乘之師大潰死及棄甲南奔者幾半珍與殘兵入城崖峻徑窄騎卒緣崖而上喪馬八千匹遂受圍水砦為夏人所據掘井不及泉士卒渴死者大半夏人蟻附登城尚扶創相鬪珍度不可敵又白禧請突圍而南永能亦勸李稷盡捐金帛募死士力戰以出皆不聽戊辰夜大雨城陷四將走免

禧舜舉稷死之永能沒於陳初括奏夏兵來逼城見官兵
整故還帝曰括料敵疎矣彼來未出戰豈肯遽退耶必有
大兵在後已而果然帝聞禧等死淚泣悲憤為之不食贈
禧金紫光祿大夫吏部尚書謚曰忠愍官其家二十人禧
疎曠有膽畧好談兵每云西北可唾手取恨將帥怯爾呂
惠卿力引之故不次用自靈武之敗秦晉困棘天下企望
息兵而沈括種諤陳進取之策禧素以邊事自任猝與強
虜遇至於覆沒自是之後帝始知邊臣不可信倚深自悔
咎遂不復用兵無意於西伐矣子俯自有傳宋史

黃庭堅字魯直洪州分寧人幼警悟讀書數過輒成誦舅李
常過其家取架上書問之無不通常驚以為一日千里舉
進士調葉縣尉熙寧初舉西京學官第文為優教授北京

義寧州志

卷十七

人物

七

五百五十五

國子監留守文彥博才之留再任蘇軾嘗見其詩文以為
超軼絕塵獨立萬物之表世久無此作由是聲名始震知
太和縣以平易治時課頌鹽篋諸縣爭占多數泰和獨否
吏不悅而民安之哲宗立召為校書郎神宗實錄檢討官
踰年遷著作佐郎加集賢校理實錄成擢起居舍人丁母
憂庭堅性篤孝母病彌年晝夜視顏色衣不解帶及亡廬
墓下哀毀得疾幾殆除服為秘書丞提點明道宮兼國史
編修官紹聖初出知宣州改鄂州章惇蔡卞與其黨論實
錄多誣俾前史官分居幾邑以待問謫千餘條示之謂為
無驗証既而院吏考閱悉有據依所餘才三十二事庭堅
書用鐵籠爪治河有同兒戲至是首問焉對曰庭堅時官
北都嘗親見之真兒戲耳凡有問皆直辭以對聞者壯之

貶涪州別駕黔州安置言者猶以處善地為翫法以親嫌
遂移戎州庭堅泊然不以謫遷介意蜀士慕從之游講學
不倦凡經旨授下筆皆可觀徽宗即位起監鄂州稅僉書
寧國軍判官知舒州以吏部員外郎召旨辭不行丐郡得
知太平州至之九日罷主管玉龍觀庭堅在河北與趙挺
之有微隙挺之執政轉運判官陳舉承風旨上其所作荆
南承天院記指為幸災復除名羈管宜州三年徙永州未
聞命而卒年六十一庭堅學問文章天成性得陳師道謂
其詩得法杜甫學甫而不為者善行草書楷法亦自成一
家與張耒晁補之秦觀俱游蘇軾門天下稱為四學士而
庭堅於文章尤長於詩蜀江西君子以庭堅配軾故稱蘇
黃軾為侍從時舉堅自代其詞有瓌偉之文妙絕當世孝

義寧州志

卷十七

人物

八

五百三十五

友之行追配古人之語其重之也如此初游瀟皖山谷寺
石牛洞樂其林泉之勝因自號山谷道人云高宗時贈龍
圖閣直學士德祐中追諡文節 宋史

冷應澂字公定隆興分寧人寶慶元年進士調廬陵主簿即
以廉能著有愬事臺府者必曰願下廬陵清主簿尤為楊
長孺所識拔調靜江府司錄參軍治獄平恕轉運使范應
鈴列薦於朝知萬載縣大修學舍招俊秀治其業旌其通
經飭行者以勸歲歛棄孩滿道乃下令恣民收養所棄父
母不得復問全活甚眾葉夢鼎列其行事風厲餘邑通判
道州入監行在權貨務遷登聞鼓檢院景定元年奉使督
餉江上還知德慶府前守政不立縱豪吏漁獵峒獠遂大
為變徧城六十里而營應澂未入境馳檄諭之曰汝等不

獲已至此新太守且上轉禍為福一機也脅從影附亦宜早計去就不然不免矣獠感悟欲自歸惑謀主不果衆稍引去應澂知其勢解即厲士馬出不意一鼓擒之縱遣歸農猶十餘人乃請諸監司歸郡之避難留幕府者誅豪吏之激禍者初經畧雷宜中意應澂必以濟師來請及是歎服亟上其事薦應澂可大用屬縣租賦諉道阻久不至郡應澂為之期曰首輸者與減分未至則償所減民惟恐後不一月訖事凡諸綱官廩稍軍券前政積不得者悉補還之上下欣附應澂亦極力摩撫與為簡便期年報政奏罷抑配鹽法及乞用楮券折銀綱等五事以紓民力詔就升本道提舉常平兼轉運使俾行其說首劾守令貪橫不法十餘人列郡肅然最聞加直秘閣時經畧使陳宗禮入為

叅知政事帝問誰可代卿者宗禮以應澂對旋名為都官郎官未行就升直寶章閣知廣州主管廣南東路經畧安撫司公事馬步軍都總管領漕庾如故五司叢劇應澂即分時理務不擾不勅常曰治官事當如家事惜官物當如已物方今國計內虛邊聲外震吾等受上厚恩安得清談自高以誤世陶士行卜望之吾師也自聞襄樊受圍日繕器械裕財粟以備倉卒後卒賴其用屢平大寇未嘗輕殺笞杖以降亦加審慎至其臨事輒斷雖勢要不為撓奪後卒於家子方叔和叔正叔

宋史

章鑑字公秉杭口人以別院省試及第累官中書舍人左侍郎官崇政殿說書進簽書樞密院事兼權叅知政事遷同知樞密院事咸淳十年王燦拜左丞相鑑拜右丞相並兼

樞密使再辭解機政不允明年元兵逼臨安鑑託故而去
遣使亟召還朝既至罷相予祠殿帥韓震之死鑑與曾淵
子明震無他至是御史王應麟繳其錄黃謂震有逆謀鑑
與淵子曲庇之坐是削一官放歸田里後有告鑑家匿寶
璽者霜晨鑑方擁敗衾卧兵士至大索其室惟敝篋貯一
玉杯餘無一物人頻嘆其清約鑑在朝日號寬厚與人多
許可士大夫目為滿朝歡云嘗上疏奏萃材等事吳草廬
稱其清謹雖為宰輔猶如布衣時季年屏居山中與樵夫
爭席見者不知為宰輔號杭山著有杭山集兵火不存而
碑銘記序間傳於世

宋史及舊志

明

石彥誠字誠之大坪人先世居豫章西山遷分寧曾祖亨雲

義寧州志

卷十七

人物

十五

宋江州都統彥誠生而秀爽有氣岸長好學慎操履擇交
遊登洪武庚辰進士授武義縣丞下車召父老立廳事再
拜諭以相勉為善或譏其迂彥誠曰吾誠心必能感人府
檄所部供億武義數獨多彥誠詣守白之或謂此不足瀆
上官彥誠曰吾民省一錢即受一錢之惠况武義不加多
獨可重斂乎守感其誠減三分之一其為政以忠厚仁愛
為本吏民悅服會召修永樂大典父老送之皆垂涕校讎
秘閣五年書成翰林有薦彥誠為國子司業者有司拘資
格陞廣東徐聞令治一如武義時雖急遽中未嘗妄撻一
人而公事亦未嘗不集上官按部有以私意干者彥誠不
應由是小人交扇以挫抑之而終不以此易志家食時匾
其居曰孝友題其室曰養拙年五十未有子嘗曰吾不為

不善未必無後既歿之五月側室生子度人以為天道有知云大學士楊溥嘗薦其孝友廉平學術醇正官居近侍未及徵用而卒蓋才不盡用於世而道足收於君子其彥誠乎

按明金華府志彥誠永樂三年任武義縣丞篤學守道廉正愛民明年徵翰林院修書父老贈詩曰身持雅操同冰蘖人播清名滿道途書成陞徐聞縣知縣

周季麟字公瑞寧州人也成化八年進士授兵部主事清禁軍及圻內山東西邊事得健卒八萬歷員外郎郎中宏治初陞浙江叅政武康山羣盜起躬往招之遷河南右布政使嘗曰為官須稱職無論大小也既至籌國計搜剔隱蠹毫釐不取除歲解外嘗貯四十七萬餘兩撫按交疏薦凡

義寧州志

卷十七

人物

十一

五百二十

七八上乃以甘州警進右副都御史巡撫甘肅至即勒兵戰斬賊首六十四級捷聞先是哈密忠順王中絕其所立王每為土魯番王速檀阿力所擄部落數千人來奔甘肅宏治五年有安定國王者冒哈密族請立其姪陝巴守哈密時阿力已死其子速檀阿黑麻嗣王仍襲哈密擄陝巴去於是邊陲不靖者有年矣季麟宣德意并脇以威阿黑麻慚伏遂於十二年夏送還陝巴并所擄原給敕印詣甘州季麟受之乃請立陝巴給以原敕而還前所留番使寫亦滿速兒等諸部帖服即陝巴之族九曲先安定諸國亦慕義來享當是時帝悅甚賜季麟金綺獎勵加等第季麟久病胃至是以苦寒創甚然不之顧也北庭小王子擁衆數萬入河套往來波羅賀蘭間季麟厲芻秣捍禦不為患

因劾總兵官恭順侯吳鑑怯衄罷鑑而以武安侯鄭英代之時西安設防冬民兵五千以舊警備召民城守而歲久為例季麟裁之每歲用千人春秋番而罷四千人歸農獨勢人有役民兵者稱不便未幾閣臣薦季麟召還調蘇州薊州草場御馬監京營牧地與民田接畛侵蝕往往爭訐季麟考圖籍據景泰間奏案改正疆界衆愜服然權貴侵蝕者不便十八年武宗嗣位以病寒亡去既而瑾憾之構以他事奪其職罰米千石瑾誅例復官未用乃以正德十三年卒贈右都御史謚僖敏孝宗嘗問劉健謝遷曰周季麟何如人對曰季麟好官 論曰季麟論處官無分大小務稱其職故歷官所至皆能有功而卒以守正為僉人所抑官不竟其用惜哉明三百年多文臣用兵而季麟以畏

寒之軀黽勉邊陲間觀其處哈密一事張大國體濟以德威使諸番構禍於此暫息其以方之魏尚之守雲中李勣之督并州又寧有憾焉

毛奇齡西河合集

州方志曰周季麟字公瑞別號南山初生時大父可菴夢有麟以綵繪束角入舍因名六歲授書輒成誦稍長治春秋學日進學使者嘗拔其文命入白鹿洞書院成化第進士授兵部主事進員外郎中詔清禁兵及北直隸山東西邊兵以精覈著聞大司馬余子俊馬文升咸器重焉江西方士李孜省以左道進有寵嘗引拔鄉人季麟屢招不往士論躋之宏治庚戌遷浙江布政司左叅政所至勸禮賑荒洗冤平寇侍郎吳原徐貫後先以賑濟治水至咸採季麟言事用以全活甚衆擢河南左布政使節浮蠹酌徭徭

皆前政所未有周世子得罪於父王列上罪狀幾成大獄
季麟為寬譬調護世子感泣引咎遂父子歡好如初擢都
察院右副都御史巡撫甘肅條上備邊封事及停罷歲織
絨褐以濟兵荒多見采納哈密自天順以來屢為土魯番
襲據朝議撫勦莫能決已而衆擁立其族屬陝巴理國事
土魯番復奪之議者請閉關絕貢放番使於瘴鄉其勢愈
熾季麟豫設方畧宣上威德番酋感懼歸陝巴及印因奏
返其瘴鄉之使仍冊陝巴為忠順王遣官送歸國諸夷大
悅獻方物謝事聞賜白金綵幣調巡撫陝西虜入環慶固
原靖虜發蹤指示前後斬首六十四級奪回生口千四百
有奇牲畜則以二萬計會薊州兵民與京師營卒共爭牧
地互持不相下勘議者恐長凌奪莫敢誰何致民多失業

轉徙孝廟欲得撫臣才有力者彈壓之廷臣首疏季麟才
克膺斯任翼日傳旨調巡撫薊州季麟聞之大驚曰得無
類傳奉乎將為吾名節累矣彊起之鎮卒舉牧地歸薊人
中貴人啣之未有以中也既而言官果有以傳奉謬加指
摘者上不聽季麟亦以疾屢疏乞休特許馳傳還且命有
司待痊具奏起用年七十四卒於家贈右都御史謚僖敏
長子周謙幼穎異書過目不再中正德丁卯省試登乙榜
未仕卒三子周訥由歲貢入太學任銅陵桂陽二邑有聲
四子周訓中應天府鄉試授湖廣蘄州知州歷陞廣西平
樂府同知南京宗人府經歷慷慨尚氣節宸濠反戕孫都
御史首倡大義率衆為位哭治斬以法繩王府軍校之暴
橫者即恐以危言不為動而王亦無他屬續時正襟危坐

而逝從子周試亦由歲貢授四川安岳丞運餉採木以拮据奉法移疾歸兩應鄉飲大賓卒年七十有七

周季鳳字公儀別號來軒季麟弟也五六歲訥若不能言至弱冠聰明奇發從兄至京邸訓勵績學為黎文僖所稱許遣歸補邑庠生屢冠多士己酉中省試宏治癸丑第進士試政御史院御史大夫屠公鏞李公玠薦季鳳任風憲輒辭不赴甲寅授刑部貴州司主事數平冤獄尚書命閱奏牘尋陞員外郎慮囚湖廣辯知州敖毓元之死獄讞上矜疑者三百有奇陞山西司郎中乙丑充會試同考官得士為多陞四川按察司副使整飭建昌兵備至則抑鎮守太監張辰之橫解土官木秦刺馬琦之讎毀淫祀建諸葛廟及功臣名宦祠勸學平賦井井治辦後以例省秩歸劉瑾

矯詔科道官覈邊儲事稍涉季鳳則令赴彼中輸賠建昌士民送迎戀戀累日不舍起雲南提學副使布功令一切崇雅黜浮士多譽髦夷俗聞風亦為丕變陞山西行太僕寺卿多所建白馬政一新未幾陞湖廣按察使內艱歸補福建按察使以法裁鎮守太監之權卒為暴者商民獲甦遷湖廣左右布政使平嘉魚巨寇賀章等捷聞賜白金文綺諸郡大水飢季鳳白撫按不待廷遣大臣至先便宜發帑藏以貸貧民人謂有汲長孺風辛己世宗自興邸入嗣大統季鳳扈從至新野疏法宗祖勤聖學親君子遠小人汰冗員薄稅斂六事咸切時政會奉迎章聖太后季鳳時已擢巡撫保定等處未行兵部以瀛潞皆經歷之地而順天撫臣未至遂疏趣季鳳兼理之乃條奏供億夫役之艱

太后嘉納焉減三之一世宗亦嘉其勞有白金文綺之賜
季鳳益感激自勵勦平巨寇王堂等滹沱河決率屬致虔
沉五帛以祭尋復故道擢南京都察院右副都御史協掌
院事尋陞南京刑部右侍郎言者誣摭湖南事因解任歸
事白擢右都御史總理糧儲巡撫應天未及行以疾卒年
六十有五贈尚書謚康惠所為詩文有來軒漫稿修水備
考修江先賢錄周氏世德錄藏於家子詢少穎異既廩諸
生以父任為右軍都督府都事陞淮府長史輔導正經邁
疾卒王遣典簿護喪歸窆康惠墓右

查仲道字文夫號北村孟常季子內剛而外和言笑不苟早
歲遊邑庠與兄仲儒才名競爽提學教公以國器目之未
幾遊太史程公楷門學日遂名益振正德戊辰由歲貢入

義寧州志

卷十七

鄉賢

十五 五百四十五

太學癸酉舉應天鄉試甲戌成進士授兵部武庫司主事
才識精練言論侃侃凡執事奏對雖匆遽間悉中程度大
司馬王公瓊稱老吏不能過之武宗南巡時在朝無敢言
者仲道獨抗疏諫曰臣伏觀陛下違棄京師根本重地舉
南巡之典聲言討賊臣竊有杞憂焉陛下去江西之賊易
去肘腋之賊難也意指劉瑾江彬諸佞幸武宗覽奏大怒
詔廷杖八十杖幾斃忽有神人傳藥骨斷復聯久之思仲
道言有驗陞職方司員外郎肅皇登極擢車駕司郎中益
以直道自任不阿權貴會奉迎章聖太后條陳夫役事極
慎密旋出守杭州時織造太監吳勳肆暴於民民不堪命
仲道與右史馬卿每事抗之勢仍橫仲道憤然曰吾職在
牧民寧能忍民困阨至是耶即與卿白藩臬兩司協力沮

抑之竟為勲所媒孽械逮至京謫福建鹽運司同知清節直聲抑而彌著己丑擢汀州知府汀大水仲道出安災黎計口給食屏輿勿進跣行泥淖中三日遂得疾卒於官年六十有四汀民號泣如喪其親競買附郡山構祠塋像以祀環山植木號曰查公山杭郡亦祠名宦萬歷初下詔覈郡邑鄉賢言官稱仲道正直之氣百折不回可以庶頑立懦於是命禮部議諡曰康敏御書兩朝忠節旌之詔郡邑立坊崇祀賢良仲道生平嚮慕黃文節公校刊全集序以行世識者溯分寧人物六七百年來能追配文節者推仲道一人

明相國張洪陽
康敏公行狀

陳郇字邦達高市黃土嶺人髫年入泮樂善好施鄉族子弟無教者為立塾閭里有貧病者給藥餌死無壟所者授以

義寧州志

卷十七

鄉賢

十六 五百

地成化四年邑大祲有司勸分郇出粟七百石以賑例授八品冠帶明年提學僉憲李公齡薦其名勸修文廟儒學不假衆力甫五越月告成憲副夏公寅記其事於石崇祀鄉賢

余學賢字復初高市人言簡行慎領萬歷癸酉鄉薦計上公車一十有五授知縣不就曳履踵決履燃及衣而卷不釋手一日火起肅衣再拜曰賢以德涼行薄天焚吾居示警足矣萬勿及吾鄰隨風返火熄見者異之計偕京師買妾廣嗣妾以遠行向父母哭之哀賢即反妾歸家置聘金不問常修學宮敬一亭鄉賢祠及明倫號舍萬歷十六七年歲祲同州牧廣設粥米賑濟又建立雪亭集鄉塾子弟講明經義享年七十有九崇祀鄉賢

周期雍字汝和江西寧州人正德三年進士授南京御史劉瑾既誅為瑾斥者悉起而給事中李光翰任惠徐蕃牧相暹趙士賢御史貢安甫史良佐曹閔王宏葛浩姚學禮張鳴鳳王良臣徐鈺趙佑楊璋朱廷聲劉玉部郎李夢陽王綸孫磐等以兼劾羣閹未得錄期雍偕同官王佩力請皆召用兵部尚書王敞附瑾進期雍請斥之焦芳劉宇猶在列而劉大夏韓文楊守隨林瀚張敷華未雪期雍皆極論陳金討江西賊縱苗殺掠期雍發其狀尋清軍廣東劾鎮守武定侯郭勛金與勛皆被責出為福建僉事宸濠反簡銳卒赴討會賊平乃還嘉靖初為浙江參議討平溫處礦盜予一子官再遷湖廣按察使九年擢右僉都御史巡撫順天薊州密雲關堡數十以避寇警移入內地關外益無

義寧州志

卷十七

鄉賢

十七

五百五十

備期雍悉修復之數列上便宜入為大理卿歷刑部左右侍郎右都御史拜刑部尚書大計京官言官劾期雍納賄吏部白其誣詔為飭言者十九年郭勛修前卻因風霾勸帝罷免大臣期雍遂去位家居十年卒

明史

州方志曰期雍字汝和別號泉坡季麟族姪孫以春秋魁省試登正德戊辰進士授南京雲南道監察御史會逆瑾敗疏起被廢李夢陽朱廷聲等二十七人指大學士焦芳劉宇附瑾濟惡雪劉大夏韓文林瀚許進張敷華冤狀乞加敷禮以消天災癸酉復奉勅清戎兩廣劾武定侯郭勛罪狀停職薦錄驛丞甲戌丁母劉氏憂哀毀幾殆丁丑起復抵京師謁執政時因武宗東巡首言宗子遠遊家相難辭其責以觸忤補南京河南道未抵臺即陞福建僉事飭

兵汀漳時漳寇猖獗固將置之危地也即日戒行道出南
贛謁都御史王守仁會議軍務語及宸濠變生旦夕雪涕
而別至汀漳閱武練兵奏立巡司增邏卒為長治計宸濠
果叛報至即日董師兼程而進至則濠就擒矣解申相見
衣刺官職籍貫姓名陽明公竒之留署南昌篆三月辛巳
調河南僉事原法網過密之情決襄藩數年之獄陞浙江
叅議計擒溫處曠賊周六等數百餘人渠魁授首擢本省
參政陞湖廣按察使廷無留獄王公守仁督師兩廣舉期
雍自代庚寅擢都察院右僉都御史整飭薊州邊備兼巡
撫順天築馬蘭谿四路長城四萬七千餘丈及桑空谷等
關移界嶺口營三十六處乞革進貢方物停差中官鎮守
時都尉勢熾恃國戚奪民煤窰株累科道府縣官李鳳王
泉等二十餘人期雍按法還民勘官論復由是士氣振小
民安戚豪斂跡晉大理寺卿條陳慎刑官重人命戒淹禁
公聽斷四事侍經筵進無逸豳風講義陞刑部左侍郎尋
直車駕南巡陞右都御史掌院事掌大理寺印巡視九門
錫予甚厚陞刑部尚書有貴幸扈從者曲法致湖廣布政
使徐乾按察使吳允祿重典期雍秉公止擬免官出何昇
許瑾陳保何弼等死罪僚屬勸以避嫌及權貴私囑皆不
聽諷言官誣劾賊私期雍奏辯得旨溫留因屢疏乞休不
允庚子三月風霾八月自陳予馳傳歸仍上養天和護儲
嗣任忠良詢羣議四事其忠愛懇款如此歸修州志家乘
日從婣族父老道故為歡撫按臺省交章薦舉懇辭不起
年七十二而卒議者謂期雍宦蹟在四方行誼在鄉評迺

易名贖卹之典至今闕如也君子惜之子希程七歲日誦千餘言由選貢入太學授福建仙遊令歲饑躬自賑恤白當道里建一倉貯粟五百石以貸民又買公田六十畝以積粟事制曲防竟用勞瘁解組歸田有遺愛焉希張為諸生既廩矣以父任為左軍都督府都事歷官廣西知府與平東川叛寇宣諭廣西狄人斷土人普阿緣父報叔之獄情法允協當道躉之報最還自京遂杜門不出卒年六十有八

周希令字子儀號澣西期亮之長子賁之元孫生有異夢賁心竒之弱冠補弟子員以春秋應己亥選貢中萬歷庚子順天鄉試以文竒在摘例不與會聞至癸丑成進士選翰林院庶吉士乙卯授兵科給事揣畧邊形如聚沙在目以

義寧州志

卷十七

鄉賢

十九 五百二十五

經撫兩臣不勝倚扼亟願和衷濟艱疏奏未下而事坐敗識者服其明遠尋冊封益藩命公行焉櫛被蕭然謝絕饋遺庚申轉禮科左右給事神宗晏駕光宗御極銳意圖治上中興十二要疏如賈山至言令職諫垣為禁掖臣其論李可灼進紅丸事甚詳且悉至熹宗立而逆璫起令與楊公璉之疏忠可貫日壬戌春會天下士有分房之任公素以麟經名一時業麟經者皆願出其門闈中所拔果得及第第一人文公震孟焉是年八月天子嘉勞晉太常少卿甫九日而卒於仕自筮仕以逮捐館受白金文綺金花之賞者五荷譽命者再俎豆州庠升祀省宮

陳存之號東洲說模次子郁之嗣孫也孝友性成篤學勵行以太學授沛縣主簿會黃河為患捐俸修堤寒暑不輟出

粟救荒全活無筭廉介不為取歸收田租給用部院交薦
賜加服俸以疾致仕士民挽留擁馬首者如堵歸惟課訓
子弟及鄉塾俊秀者覃心經史撰有過庭訓家傳諸書建
文廟廣義塚賑乏絕睦族黨七舉大賓而卒崇禎庚午子
以森以相以慄克繼先志復脩黌宮知州胡公如川額其
門曰奕世濟美崇禎七年崇祀鄉賢祠知州張大紳匾其
堂曰祖孫鄉賢用昭世德云

查兆允字六征別字濂洲高市人祖仲儒通判眉州父應元
通判黃州代以顯宦忠義著聞兆允少純家學束脩自愛
步履雍容不失尺寸以選貢授浙江湖州通判平反訟獄
大洽輿情旋擢四川烏撒軍民府同知烏撒苗俗雜處素
稱難治兆允內持廉敏政尚悃愾民賴以安萬歷二十六

義寧州志

卷十七

鄉賢

二十

五百二十

年部使者考績首上聞奉璽書褒諭擬之南陽召信臣頴
川韓延壽勅授奉訓大夫甫膺簡拔即乞病致仕歸著書
談道闡明濂洛之學務求實踐訓子弟以修身為本林下
三十餘年絕跡公庭扁其館曰心遠地自偏刺史胡如川
方沉重其行詣兩舉鄉賓禮畢不交一言其風峻如此初
兆允判湖州嘗捐俸二百餘金買州後雞籠山禁燒掘以
護地脉復發筦庫奸吏侵魚羨金八百有奇代窮黎供逋
賦兼以賑飢卒年八十有九州縉紳慕允德行可表咸請
崇祀賢良崇禎十一年正月奉旨查兆允准其入祀鄉賢
次子堯覺先逝子幼而長子堯安三中副舉撫其猶子親
愛不衰

周必強號抑而先春之子半週失怙幼穎異日記數千言長

鯁於庠耿介自持剛方不屈事祖母及生母左右盡歡以
春秋應乙亥拔貢廷試遇例題旌母熊氏表其貞節人稱
克孝能慰先志授山陽縣縣丞理煩治劇政績卓著陞清
河知縣育士愛民摘伏如神秩滿擢工部主事歸家訓課
子弟凡邑大事隨時裁決匡濟時艱識者嘆為不世出之
才歿祀鄉賢祠

庚申志
舊傳

國朝

萬承風字卜東一字和圃安鄉長茅人沈潛力學乾隆丁
酉舉於鄉辛丑成進士改庶吉士授檢討入直尚書
房侍

今上講席從容論思者先後蓋二十餘年乙卯充雲南副考
義寧州志

卷十七

鄉賢

二

四百一十

官時

仁宗睿皇帝在藩邸賜詩寵其行嘉慶戊午充江南副考官明
年督學廣東極力除奸弊正士習屢奉

密諭詢大臣居官行事輒據實密陳試瓊州畢值洋匪滋事
廉遊擊某劣恐益廢弛劾去之初由侍讀左遷檢討至
是復擢右贊善時承風名未與開列

特旨簡畀蓋

上嚮用之意方殷也奉

御批奏摺云實心勉力報多年知遇之恩益勵廉隅為一代
良臣之首六遷至少詹事甲子充山東正考官擢詹事
即督學山東未卒任 召入直書房累遷禮部右侍郎
丁卯充浙江正考官隨督學江蘇值按試路出表江訪

察荷花塘一帶河工屢築屢圯由取勢太直隄岸當衝所致奏請復舊卒如議行調兵部右侍郎轉左已已以陳請祝

煨被議改授內閣學士調安徽學政時定遠士子與鳳陽縣胥役有夙嫌每試期輒修怨當事或袒胥役士益忿承風按試據情入告

上飭撫臣訊辦繩胥役如法自是帖然已已冬仍擢兵部右侍郎轉左侍郎入充經筵講官署工部右侍郎兼管錢法堂事承風受

上知最深屢司文衡所至皆得士心居官端慤謹慎歷數十年如一日嘉慶十七年秋以風痺引疾告逾年

上猶遣官垂問亟思簡用而竟不起卒年六十有一所著有義寧州志

卷十七

鄉賢

三

四百三十五

賡颺集思不辱齋文集詩集若干卷又嘗集黃文節公手書若干卷勒於石校刊山谷刀筆黃律卮言等籍入祀鄉賢祠二十五年八月

今上嗣位

晉贈禮部尚書銜追謚文恪

勅賜祭文碑文道光元年正月遣瑞州府知府韓桐協同義寧州知州曾暉春詣墓致祭子方雍官刑部員外郎監察御史方貞官甘肅西寧府經歷方熙

欽賜舉人

人物列傳首漢晉唐六人錄先賢也自宋迄今鄉賢依時代編次同祀瞽宗故不分類後分列名臣宦蹟忠義儒林文苑孝友義行隱逸善士古今各以類從

名臣

宋

黃庶字夷仲洪州分寧人第進士歷州縣熙寧初或薦之王安石安石與之言問免役事庶據舊法以對甚悉安石曰是必能辨新法白神宗召訪時務對曰陛下意在便民法非不良也而吏非其人朝廷立法之意則一而四方推奉紛然不同所以法行而民病陛下不盡察也河朔被水河南齊晉旱淮浙飛蝗江南疫癘陛下不盡知也帝即命庶體量賑濟東道除司農丞還報合旨擢利州路轉運判官復丞司農為監察御史裏行建言成天下之務莫急於人才願令兩制近臣及轉運使各得舉士詔各薦一人繼言寒遠下僚既得名聞於上願令中書審其能而表用則急

義寧州志

卷十七

名臣

五百

才之詔不虛行於天下矣又言比年水旱民蒙支貸倚閣之恩今幸歲豐有司悉當舉催久飢初稔累給并償是使民遇豐年而思歉歲也請令諸道以漸督取之論俞充結王中正致宰屬并言中正任使太重帝曰人才蓋無類顧駕御之何如耳對曰雖然臣慮漸不可長也河決曹村壞田三十萬頃民廬舍三十八萬家受詔安撫京東發廩賑飢遠不能至者分遣吏移給擇高地作舍以居民流民過所無征算轉行者賦糧質私牛而與之錢養男女棄於道者丁壯則役其力凡所活二十五萬相州獄起鄧伯溫上官均論其寃得譴去詔庶詰之竟不能正未幾獄成始悔之加集賢校理提點河東刑獄遼人求代北地庶言分水畫境失中國險固啟豺狼心其後契丹果包取兩下耕地

下臨鴈門父老以為恨王中正發西兵用一而調二轉運使又附益之庶曰民腹剝至骨斟酌不乏興足矣忍自竭根本耶即奏云師必無功蓋有以善其後既大軍潰歸中正嫁罪於轉餉廉詣上黨對理坐貶秩元祐元年召為戶部郎中陸思閔茶法為川陝害遣廉使蜀按察至則奏罷其太甚者且言前所為誠病民若悉以予之則邊計不集蜀貨不通園阡將受其敝請權熙泰茶勿改而許東路通商禁南茶毋入陝西以利蜀貨定博馬歲額為萬八千匹朝廷可其議使以直秘閣提舉明年還為左司郎中遷起居郎集賢殿修撰樞密都承旨上官均論其往附蔡確為獄改陝西都轉運使拜給事中卒年五十九 宋史

余卞字洪範良肱子也博學多大畧以任子恩試校書郎累

義寧州志

卷十七

名臣

二

五百七十五

為唐州判官湖北安撫使勾當機宜文字尋知沅州先是卞父良肱常為鼎州推官五溪蠻叛良肱運糧境上周知其利害上書議棄其地就而撫之未果行及是復叛殺沿邊巡檢斷渠陽拒官軍不得進卞滴使湖北帥唐義問即授卞節制諸將為設方畧陰選死士三千人夜銜枚繞出賊背伐山開道漏盡斃刻入渠陽黎明整眾出賊大駭盡銳來戰奮擊大破之鼓行渡險七遇七勝斬首數千級蠻遂降有詔廢渠陽軍為砦盡拔居人護出之紹聖初論棄渠陽罪免歸徽宗初起管勾玉隆觀未幾復渠陽為靖州又論前事免終於家著有西山十二真君傳 宋史余良肱後及劉氏拾遺蠻遂降下拾遺云後安石執政變法卞為憤憤及頌新經義乃忿然曰尚可以治經為哉遂棄官歸與此小異按洪範最為徐忠愍禧所知與黃魯直交亦厚嘗以不

合俗人題廳壁二絕句魯直和之

余爽字荀龍良肱子也尚氣自信不少貶以合世亦以任子
恩試校書郎為瀛州防禦推官應元豐詔上便宜十五事
力詆時政元祐末復請太皇太后還政章惇憾不附已摘
其言為訕謗除名竄封州久之起知明州未行以言者罷
監東嶽廟崇寧中與卞俱入黨籍全上江西南通志卞爽
合傳以討蠻知沅靖皆
為爽
事

按詩話拾遺記豫章余荀龍藏書甚富好談易作詩與
潘洪諸公相善僧善權巽中嘗酬其詩

黃大臨字元明庶之子湜之孫也好學飭行優於詩文紹聖
間知萍鄉縣民囂訟異於他邑大臨勞心撫字視民若子
或譏其仁慈太過大臨曰天子使宰百里固欲安樂之豈

義寧州志

卷十七

名臣

三

五百

敢操三尺法為百姓讐敵哉昔龔遂為渤海太守因召對
曰渤海之盜陛下將勝之耶將安之耶帝曰設官置吏固
安之也故余嘗謂治民之道猛則玉石俱焚寬則公私皆
廢吾不猛不寬惟其是而已嘗榜其所居軒曰惟是大觀
中徙知龍泉縣治如萍鄉時郡守徐姓者私有所屬臨逆
其意秩滿不與書罷會張根持節行部雅聞其賢折節禮

之
吉安府志

冷恣字庭叟元豐進士令錢塘遷蘇州判轉商州刺史元祐
間拜光祿卿山谷恒以冷卿稱之有贈恣詩序云庭堅於
庭叟有十八年之舊又詩曰往時盡醉冷卿酒又云冷卿
智多髮蒼浪牛刀發硯司一邦其推重如此卒年七十八
王本字觀復六歲能詩日誦千言登元豐八年進士授南雄

州保昌簿調袁州司戶叅軍遷欽州祁門令調磁州錄事
叅軍改宣德郎知秀州海鹽縣通判保定軍以吏能稱擢
提舉荆湖南路改任京畿以古方田法均兩赤縣田權貴
懾服特選朝議大夫錫三品服直龍圖閣提點京畿刑獄
陞秘閣修撰集英殿修撰遷都水使者辭以水事非所習
乃知洪州未幾改京畿轉運使上召見謂洪無事不足以
煩卿京邑吏多弛其按行治之本承命徧行勾校雖他司
事悉以聞上大悅擢徽猷閣侍制真定府路安撫使兼知
成德軍府事改知東平府兼京東西路安撫使會揚州游
饑詔知揚州兼淮南東路兵馬鈐轄歲旱出繫囚數百人
天大雨遂為有年取郡事悉條理之公私兼裕流民皆復
相率立祠頌德居二年丐祠詔提舉南京鴻慶宮明年請

義寧州志

卷十七

名臣

四

五百五十

老越三月大會親戚子弟於家無疾卒年六十三

豫章志

黃叔敖字嗣深廉之季子登元祐六年進士調光山令除詳
定司勅令刪定官出判潁昌府遷廣東轉運判官兼提舉
市舶疏言嶺表地偏冬無霜雪瘴癘所鍾其所產不足以
奉王食再三力請為蔡嶷中傷免官未幾復職徙荆湖北
路轉運判官廉訪使時李滋怙勢侵擾州縣叔敖以奸狀
聞詔鞫得實竄滋衡州中人側目時方復燕雲用事者惡
其不附已欲危以法除秘閣修撰知營州又改涿州自言
儒生不知兵恐懼國事力辭且乞致仕後知荆南府紹興
初除給事中上疏論朋黨未革不可以為治比來上封事
者頗有告訐細故摭摭隱匿非求言本意除兼侍讀遷戶
部侍郎進尚書力論時政大畧謂冗食莫甚於養兵裕民

莫甚於節用諸所建白事多施行以言者罷為徽猷閣學士旋降充侍制五年除知平江府辭不行請老以通政大夫致仕卒年七十二訃聞復徽猷閣學士贈宣奉大夫所著有文集十卷春秋講義三卷奏議十卷

豫章志

徐俯字師川以父禧死國事神宗憫焉授通直郎徽宗踐祚遷承議郎錫服朱銀會韓忠彥曾布秉政登用舊人獨以履歷為限除衛尉寺主簿又不就職時蔡京用事屢以甘言招致俯不屈作猛虎行譏之曾韓去位遂改僉書武勝軍節度判官聽公事命卒不下遷朝奉郎監杭州糧料院未幾提點南康軍延真觀通判相州徙吉州又徙廬州累遷朝請大夫淵聖嗣位遷奉直大夫賜金紫召為司門員外郎陞郎中靖康之變金人立張邦昌集百官議皆以次

義寧州志

卷十七

名臣

五

五百五十一

書名俯不書而出時工部侍郎何昌言與其弟昌辰避邦昌皆改名俯買婢名昌如遇客至即呼前驅使之建炎初落職致仕奉祠胡直孺在經筵汪藻在翰院迭薦之初避嶺南久之方至遂以為右諫議大夫中書舍人上嘗命進讀春秋俯薦胡安國自代世稱其知人遷左中大夫翰林學士俄擢端明殿學士僉書樞密院事兼權叅知政事宰相朱勝非言襄陽上流所當先取叅政趙鼎曰知上流利害無如岳飛者俯獨持不可帝不聽會劉光世乞入奏鼎言方議出師大將不宜離軍俯欲許之鼎固爭俯乃求去提舉洞霄宮時秦檜專政俯上表云禍福倚伏情偽多端恐未盡於事幾當復勞於聖慮與宣撫使岳飛表知廣州連南夫表一時傳誦檜見而大惡之紹興九年知信州中

丞王次翁論其不理郡事予祠明年卒塋於饒州德興縣
俯才俊與曾幾呂本中埒志操挺特議論慷慨是非取舍
必歸於正於書無所不讀於文無所不工而尤邃於詩年
十四五時已能出奇語驚動山谷用是聲名焯然出當世
上少嘗客淮南諫議陳瓘為郡守一見奇之遂為忘年友
著有東湖詩集六卷江西詩派圖俯其一也子璧蚤世璉
瑀瑜珪瑾通直郎宋史及舊志○修水考畧載史論云俯未與趙鼎爭辯沮抑岳飛異哉
王鈇字承可本之子也蔭授通仕郎建炎間通判邵州既為
樞密院編修官提舉江東茶鹽又提舉湖南茶鹽遷福建
轉運判官改浙東提舉茶鹽會修永佑陵兼差總護司轉
運判官直秘閣兩浙西路提點刑獄上親享太廟獻賦數
千言陞徽猷閣除兩浙路轉運副使被旨建秘書省成陞

義寧州志

卷十七

名臣

六

五百四十

秘閣修撰俄權戶部侍郎未幾引疾丐外除敷文閣直學
士知湖州告祠適番禺請帥上即命鈇有吳聽者為海盜
之魁鈇密授軍士擒獲戮之於市因盡籍舟艦區別疆域
毋得復持兵械聯以保伍而稽其出入自是宿害頓除闔
境聳服番禺俗瘞親必大會賓客費至不貲以是貧者多
不克塋下令悉禁止之士大夫貧不能塋及流徙不獲歸
者率捐俸為資助卒邦人立祠祀之子淪渡洧淙許濱豫章

志

黃次山字秀岑庭堅族子宣和元年試國學第一以庭堅名
在禁錮復抑置第四歷信揚州學教授池州司理叅軍靖
康初遷博士坐與李綱厚謫監虢州銅場建炎二年擢尚
書員外郎未幾撫諭京東西路使還乞外補遂知筠州內

艱終喪復吏部郎官入對力陳日食之咎又進校旗大閱之法會金兵大至淮南告捷次山言策功行賞勸沮所係因條上三策乞解六將軍逗留者之節鉞授偏裨立功者朝廷既罷劉光世兵枋命呂祉代之次山言光世固可罷呂祉雖若可用然統師御衆非其所長其言卒驗靖康以來號為宗程灝兄弟學者不能深明其旨轉為迂恠紹興初諫官極論其弊有旨戒飭學者次山時權禮部郎官與侍郎董荼爭之於朝事雖直而謗議起矣出提點荆湖南路刑獄居數月以言罷主管亳州明道宮凡九年卒

危太樸集

安志誤載豐城人今因謝志補入

黃犖字子邁以父霽郊恩補將仕郎歷官淮南轉運副使兼提刑加秘閣修撰犖少長名族清標勝韻自然軼羣所蒞

義寧州志

卷十七

各臣

七

五百四十一

有德政皆立祠以奉識者以比古循吏金始修好為接伴使應對以理北使自屈廟堂加愛敬焉官淮南時北方倣擾浮言扇動犖治圃修橋示以閒暇而內謹防範人情安堵隆冬視築滁陽遂感寒疾及遷治所楮令方新民間閉市犖力疾慰安閭巷出鐵錢收舊券發倉廩平糶價列肆旋復百姓益喜而病深遂卒時嘉定四年正月十日壽六十一淮人老幼出涕元夕舉市無鼓吹聲犖資性篤實不汲汲於榮利方羣陰用事則介然自持及公道復開亦恬然無媿名流每謂犖若不限以科第豈容我輩獨臺閣犖曰令某由科第亦必不在臺閣居朝十三年循序而陞未始超越詞翰祖述山谷時出新意成一家大字尤竒壯東宮欲見之書中庸大學以進錫賚良厚所稱舉皆當世佳

士雜著二十卷介軒詩詞三十卷藏於家子堦迪功郎監
鎮江府都酒務崖以遺澤補官

宋四明袁潔齋集○通志謂堦知肇慶府蓋究其終

言之無志謂崖知南安軍

按劉後村集稱思陵尤重山谷詞翰擢其甥徐俯至執政至茂陵其後益蕃子邁子畊皆顯

余玠字義夫分寧人僑寓蘄州少為白鹿洞諸生入趙葵幕為制置司叅議官嘉熙三年與元兵戰於汴城河陰有功授直華文閣淮東制置司叅謀官淳祐元年拜大理少卿陞制置副使進對帝曰卿人物議論皆不常可獨當一面乃授權兵部侍郎四川宣諭使帝從容慰遣之玠亦自許當手挈全蜀還本朝其功日月可冀尋授兵部侍郎四川安撫制置使先是東西川無復統律遺民咸不聊生監司

義寧州志

卷十七

各臣

八百五十五

戎帥各專號令擅辟守宰蕩無紀綱蜀日益壞及聞玠入蜀人心粗定始有安土之志玠大更弊政遴選守宰築招賢之館於府左供張一如帥所居播州冉氏兄弟璉璞有文武才隱居蠻中前後閩帥辟召堅不肯起聞玠賢相謂曰是可與語矣遂詣府上謁玠素聞冉氏兄弟刺入即出見之與分庭抗禮賓館之奉冉安之若素有居數月無所言玠將謝之廼為設宴玠親主之酒酣坐客方紛紛競言所長璉兄弟飲食而已玠微言以挑之卒默然玠曰是觀我待士之禮何如耳明日更闢別館以處之且日使人窺其所為兄弟終日不言惟對踞以堊畫地為山川城池之形起則漫去如是又數日請見玠屏人曰某兄弟辱明公禮遇思有以少裨益非敢同衆人也為今日西蜀之計其

在徙合州城乎玠不覺躍起執其手曰此玠志也但未得其所耳曰蜀口形勝之地莫若釣魚山請徙諸此若任得其人積粟以守之賢於十萬師遠矣巴蜀不足守也玠大喜曰玠固疑先生非淺士卒築青居大獲釣魚雲頂天生凡十餘城皆因山為壘碁布星分為諸郡治所屯兵聚糧為必守計旋率諸將直搗興元與北兵大戰於嘉定初利州都統王夔號王夜叉素殘悍不受節制聞玠至以所部來謁班聲如雷衆皆失色玠部分自若夔退曰儒者乃有此人尋設策召夔計事斬之軍中帖然會戎州帥欲舉統制姚世安為代玠不許世安倚宰執內援遂以微罪中玠召還玠之治蜀也任都統張實治軍旅安撫王惟忠治財賦監簿朱文炳接賓客皆有常度至於修學養士輕徭以

義寧州志

卷十七

名臣

九

五百四十

寬民力薄征以通商賈蜀既富實乃罷京湖之餉邊關無警又撤東南之戍自寶慶以來蜀闔未有能及之者及世安與玠抗玠鬱鬱不樂齋志以沒蜀人悲慕如失父母焉

宋史及通志

章沂孫字源潔號右山丞相杭山之子也幼穎悟八歲能誦經史尤精詣於朱氏之書故為文率皆典古有法舉進士初授迪功郎昌化縣主簿轉建德路教授改大理評事通判舒州召為太子中允直集賢院歷三司開封府判入為監察御史有旨轉右正言出為淮南轉運副使遷尚書禮部員外郎轉江淮提刑改度支判官知制誥兼修國史擢為翰林學士轉春宮伴讀出知開封府數月權三司使兼除樞密都承旨拜諫議大夫以疾累辭改集英殿修撰知

洪州轉給事中拜嘉議大夫轉修職郎福建轉運使改知
臨安府未任北兵臨渡江舉朝相顧失色臺諫哭聲振天
明日御史陳過庭等相繼走獨沂孫徬徨不忍去謂翰林
學士歐陽元曰自古無走臺諫賈似道督師江上自度力
不支將議和畏公議弗敢欲其議自臺諫學校俱納誥勅
終不肯以世食宋祿仕元坐未嘗北向宋人之仕於元者
公獨絕之世高其節隱居田里卒年四十有八

歐陽圭齋集

元

祝彬字文夫吳仙里人以詩經登進士授撫州路崇仁縣丞
泰定丙寅聘校楚闡稱其性稟敦厚明孔孟之正傳契程
朱之奧旨壬申陞授應奉翰林文字徵仕郎同知制誥兼
國史院編修天歷至元間兩典江西文衡號悠然居士從

義寧州志

卷十七

名臣

十

四百七十五

弟椿舉至元乙亥鄉貢

謝志

冷敬先字有華泰清人登進士授婺州武義縣尉遷長興州
判有嚴肅聲廉訪使趙汝平薦陞戶部員外郎未幾轉正
奉大夫宣政院客省副使奏對敏捷深識治體與尚書元
明善學士虞集友一日以言忤執政遂求解任二公惜其
去為詩文以贈歲約入租十萬餘石恒分恤族黨之貧乏
者士論韙之

明

艾旭字惟寅別字扶桑泰鄉桐樹嶺人父雍元順帝至正時
舉孝廉教授湖州復倡經義治事之學與顧阿瑛楊維禎
結立詩社往來倡和才名大著嘗夢九日升於泰山之上
兩手撫而握弄之翼日生旭幼警悟讀四書五經畢誥師

曰書盡此乎師曰有十三經十七史諸子百家授之讀一歲貫通之中洪武戊辰任亨泰榜進士二甲四名授刑部主事時太祖用法嚴事無大小輒勅送刑部拷治累獄連坐者衆旭為別輕重緩急次第讞明全活無算彈劾不避權貴胡惟庸用事旭劾以六過三罪比之豺狼當道洪武二十五年陞刑部員外郎轉遷浙江道監察御史癸酉奉命冊封琉球賜一品服陞辭曰太祖諭之曰使臣之名今為九日渡海非所宜也遂以御筆改名儀鳳至琉球國王見儀鳳狀貌竒偉應對明敏嘆曰此真堯天舜日鳳凰來儀也贈詩有四方專對詩三百東海歸來路十千之句使琉球還朝陞吏科給事中與權貴不合罷歸著有艾豐文集行世子仁甫義甫有學行

義寧州志

卷十七

名臣

十一

五百一十五

按舊志載旭洪武戊辰進士初授浙江道監察御史陞刑部郎中丰姿俊偉學問該博屢平大獄皆得其情石彥誠為之贊曰光華俊偉傑出謀猷登名甲第蔚為柱石之珍折獄大廷嚴凜烏臺之簡又嘗奉使琉球得使臣體琉球國王有詩贈之卒於官傳文簡畧故通志未錄今從橫雲山人明史擬稿補正又萬姓統譜旭作焞尤誤

彭勝玉字潤甫父德遠母劉氏世家分寧之菜青巷生有異質嘗從鄉先生程麓隱游讀書薰衣山舍洪武初由鄉貢入京時高皇帝勅儒臣纂修女誡勝玉與學士朱升善得與修又與修元史及大明志書己未除東京文學與傅藻籌編春秋本末上之甲子二月除戶部主事旋奉旨督漕

為禮科給事中黃居正所劾委戶部侍郎曾泰查勘皆誣以故事得已壬申轉員外郎時夏亢旱勝玉上疏請發賑濟以救民生勤修省以回天意帝嘉納之永樂三年稍遷郎中奏免江西隨糧軍辛卯出為兩淮都轉鹽運使己亥從侍郎呂震應天府尹顧佐巡視黃河七月扈蹕幸北京辛丑擢戶部左侍郎時年八十矣連疏請退遂以資政大夫致仕家居五年乃卒長子懷中書舍人孫鳴天順間貢士著有古今邊防及續名臣言行錄諸書

曾榮鑿坡集

忠義

宋

黃介字剛中隆興分寧人意氣卓越喜兵法制置使朱禕孫帥蜀介上攻守策禕孫愛之以自隨夏貴辟充廣濟簿尉平反死囚尹不能抗錢真孫復辟入幕及與真孫別誦南八男兒死爾語以勉之後家居帥鄉民登龍安山為保聚計德祐元年北兵至砦眾奔潰介堅守不出且射且詬面中六矢不為動顧謂家僮陳力曰爾盡力勿走力曰主在死生同之介身被鏃如蝟面頸復中十三矢倚柵而死力亦死妻劉被掠子用中逃得不死及壯求母四方逾十年得於京師以歸州里稱為黃孝子云 宋史

胡敬方武鄉帶溪人德祐中任臨江路僉判元兵至率眾死

義寧州志

卷十七

忠義

四百七十

守屢拒戰誘之不肯降及城破元將張宏範執至瑞州不屈死之元將函其首北去家人以其身歸葬焉 豫章書 事聞詔贈太常寺卿謚忠節 胡氏舊譜

元

吳德文德機莫以中俱州里人至正壬辰春草寇掠州境德文等起義兵從州判楊宗訓等守武昌界數與賊戰於南樓嶺後復與吳仙里祝興可合兵追賊游清溪於黃岡墩累戰累勝俄以伏兵四起而敗宗訓謂德文等曰我世受國恩以身報國分也若等各宜逃生德文等泣曰相公既不負國恩我輩豈敢負相公邪於是奮戰宗訓被殺三人隨就執以中奪監押人刀自刎德文德機俱死之 死義傳 祝興可號北莊奉鄉人元季癸巳草寇殘破州治興可遂設

策起集丁壯發自諸廩接應州判楊宗訓以圖恢復至正十三年三月率眾隨同楊州判討王鈇師賊平五月二十五日寇首余祐二來侵吳仙里時民多疫興可戰敗徑奔平江總兵官皂溪張差許鎮撫田大王統兵五千餘人同興可之兵於十月二十九大破余祐二眾於棲霞橋俘馘者數千人余祐二遁匿興可暨邑義士余天常吳某等總兵會搜捉以火爆其岩擒獲余祐二斬首梟示於是境內綏安至正十五年十二月興可會兵駐中峯山二十六日寇婦吳娘子劉院判軍在高嶺相遇與興可交戰至是義兵食盡興可亦力乏因被執沿途不食罵賊弗絕於長溪之地罹害洪武元年十二月庚申子明原等招魂安葬

毛仁可本州人至正壬辰二月糾集鄉兵隨定江巡司劉儼

義寧州志

卷十七

忠義

二 五百二十

拒賊尋死於難其時游孟莊黃居簡俱死之

姜本道宏安曲溪人至正癸巳與弟本源隨州判湯盤克復州治從安鄉起集義兵賊黨余祐二率眾追至道源家與賊拒敵為賊易勝所擒兄弟俱受害

方珉字志宏廣潭人有識量元季盜賊蜂起一家五百餘口相繼陷沒獨志宏脫身鋒鏑中憤懣不平由是率里之右族聚兵相衛縣尹聞其能乃檄鄉眾各以戈甲聽其約束卒成保障之功

周天與高市人嘗舟行次武寧西渡寒夜有婦人抱子將就溺急令人救之詰其故曰夫性悍暴偶外出令售所豢豕以需公私不意受值贖者過半夫歸鞭撻死矣天與惻然即探金如數與之慰諭令歸不復問其姓氏元季盜起統

鄉兵登中峯岩保障其地捍禦有備賊不敢犯全活甚衆
一日巡行至西隘無疾而卒年四十三舉岩為位哭之子
維翰維寧維德俱有文名放情邱壑更相倡和有周氏華
萼集

胡宗武字義翁武鄉帶溪人敬方孫學正性初子少儻任
俠有祖父風至正間紅巾倡亂連陷州郡時天完軍裨將
陷寧州歐普祥陷袁州壬辰陶九再陷新昌民苦兵火衆
推宗武為主武乃與新昌鄒用中毛忠吾毛性吾等於道
遙山下南瑞界要害處立古陽大寨分守箕谷樵籃石陂
等寨彼此相援屢敗賊兵追奔數十里地方賴以保全後
太祖幸隆興聞之勅為提舉

鄒匪石達
觀樓集

明

義寧州志

卷十七

忠義

三五

陳龍一名隆字文顯龍峯人元季邑有劉姓者兄弟三人暴
劫鄉邑龍父均祿為其所殺因痛憤率族子弟募義士得
數千人登仁和寨殺賊殆盡鄉里賴之以安鄰邑聞而趨
附者日益衆聚至萬餘人壬寅太祖平江西時龍遣弟陳
良奉表歸附授武昌衛指揮僉事轉龍驤衛指揮同知洪
武四年征開平卒於軍中贈龍虎將軍

有輓詩
附藝文

陳良字文貞元時為都尉與兄文顯率衆歸附戮力効用從
主帥由安陸襄陽抵永州全州興安靈川靖江平粵由潭
州平沁水出太原取大同至鹿臺陝西唐鄧蘇寨孟陂克
平之功皆預焉授武德將軍武昌衛管庫軍正千戶尋陞
明威將軍金吾前衛指揮僉事卒於家
蕭良字純如別字雙溪武鄉人狀貌奇偉幼即淹通六經中

洪武丁卯經魁以獻策授浙江監察御史建文時靖難兵起草竊肆掠時有嫦娥洞賊每侵邊境屢逆王師權奸惡良剛直計欲陷之舉良往勦良至其地微服偽為教讀之士直抵洞巢賊主延為西席贅為東床絕不知備良乃密計內應復約兵外攻一戰而盡殲之捷聞轉陞右御史凱旋時為永樂二年甲申元日過荻溝驛賦詩云欽承皇命出楓宸荻驛停驂遇甲申玉笋滿斟新歲酒繡衣不染隔年塵九重雨露恩波潤一路風霜號令新從此豺狼莫當道張綱何必再埋輪忠愛之情溢於言表既抵京師正色立朝彈劾不避權貴良體豐肥性復直慙成祖每呼為蕭胖子朝臣又稱為蕭直人十年乞假歸未幾召還朝奉命出使西洋國王強欲臣之不屈而死尸竟未獲南歸子孫

義寧州志

卷十七

忠義

四百四十五

招魂塋衣冠於芭蕉溪盜發其塚復改塋於蓮花山

周瑾字伯榮三王巷人天與之孫也永樂甲申舉孝廉授交趾望江鎮金場大使時交趾方新造尚未內附文皇策遣之踰常祿以卹其家瑾受命辭行以老母幼子托其妻止攜一僕往既蒞任推誠撫馭夷人懷之逾數歲交人叛攻金場甚急瑾悉眾禦之眾寡勿敵死焉同邑鄒縣丞歸言其事家人具衣棺為招魂塋於犀津宮塘山子銘孫叔襄曾孫季麟季鳳皆知名

周季珊高市義興坊人少從族兄康惠學舉子業酷好史鑑兵書醫畧未竟為州椽正德癸酉奉新華林馬瑄寇亂屠瑞州城州守牛命季珊統督義兵守毛竹山朝夕設備幾一年餘寇不敢犯已卯有宸濠之變州守汪當達聲息京

師衆規避莫前珊獨毅然曰為臣死忠矧數千里之行乎
遂請往倍道奏聞因名諭成事與否朕欲親征珊對曰以
臣叛君事不必成來時撫臣王守仁集兵勤勦即日捷聞
何煩駕征遂命送戶部賜酒飯新鈔歸嘉靖初武鄉賊起
蔓延崇奉州守孫知珊有才畧命統官兵五百人討之
生擒渠魁熊舍人等十餘人斬首百餘人招諭脅從甚衆
賊遂潰後給由冠帶歸省遂無仕進意常與兄康惠倡和
詩篇及講解明新至善之學人有傳誦者年七十六無疾
而逝族弟季翔亦以孝友行義聞

國朝

許文龍字雲樓奉鄉人明季諸生博覽羣書於歷象星宿
及竒門遁甲兵法皆通曉闖賊自楚蹂躪州境文龍練

義寧州志

卷十七

忠義

五

四百六十五

義勇保禦鄉里何忠烈騰蛟開府武昌招文龍未赴委
授監軍 大兵下江右金聲桓遣人招文龍不從率民
逐我所置官吏屯兵奉鄉聲桓乘閒破州城遂攻奉鄉
圍守三月文龍糧絕乃走保界首若食盡被擒不屈死
之

冷朝旭邑庠生 國初時有族子某勇力絕倫謀不軌投
楚寇受偽號劫掠州郡橫行江漢間一日歸族人偽置
酒為壽酒酣武生巨華潛以鐵椎斷其臂猶躍百步外
卒擒之朝旭執送有司比見形狀魁偉咳唾風生冀或
有用將釋之旭曰虎狼之性詎能馴矧激之怒其肆毒
安可測耶遂正典刑雍正四年

勅朝旭入忠義祠

胡宗定字寓棗別字此園武鄉銅鼓坑溪人舉乾隆乙酉鄉試六上公車不第主講濂山書院品課嚴明從學者恒數十百人辛丑挑發陝西試用知縣以親老改近湖南丁憂歸五十三年服闋仍赴秦中歷署三水西鄉吳堡南鄭宜川諸縣卓有循聲五十九年補鎮安縣邑在萬山中民耕山為業多逋賦遇事動相格鬪宗定催科撫字傾誠化導民心悅服而邑大治嘉慶元年正月奉文緝拿竄匪獲賊首十餘名已而湖北宜昌匪教倡亂蔓延鄖陽大兵進勦絡繹供張籌辦方畧冬安康邪匪復熾團練鄉勇堵禦時官兵未至躬率士民堅守城池賊逼境不能犯二年六月署孝義川同知兼五郎通判旋檄往鎮安採買軍糧諭鄉民各立營堡賊至與力戰

義寧州志

卷十七

忠義

六

四百五十一

退則防守鎮安賴以全接解軍餉三次日馳三百里至褒城驛遇賊匪突至官兵奮勇血戰賊引退急策馬休旅館疾作怔忡數日而卒三年八月鎮安紳民籲請方伯奉入名宦祠八年陝撫祖之望制府惠齡會奏查明陝省歷年承辦軍務因勞病故各員懇

恩量予

卹典奉

上諭着加恩照軍營陣亡例

賜卹胡宗定着加贈同知銜入祀昭忠祠卹賞銀三十兩葬銀五十兩祭銀三兩廕子胡一鴻入監讀書學習六年期滿以縣丞銓選宗定居家孝友居官勤慎品學交修詩才清俊著有此園集若干卷歿後

恩賚優渥而一棺停厝尚在湖北蒲圻新店鎮新店士民哀
其忠禮而葬之

義寧州志

卷十七

忠義

七

四十五

義寧州志卷第十七

終

宦蹟

宋

莫景字子蒙漫江人慶歷二年進士性疎率淡於進取與同里黃亞夫友善嘗會飲輦下亞夫詩云平生金石心顛倒獨莫棄何時不搔首共話醫國計蓋謂景也初為寧鄉尉自號吏隱調官京師不得意於銓吏欲致其官而歸亞夫止之比授常寧令亞夫致書楊兵部云邑人莫景去為常寧令亦某之友某雖不得出執事幕下而景為屬邑吏與某身在無異也某既賀景得屬執事為令又竊喜執事得景付以民無疑也伐檀集并注

孟安序為丞相蘇頌所薦官至朝奉郎頌嘗曰吾平生薦士不知其幾惟分寧孟某歲以雙井茶一斤為餉知吾無苞

義寧州志

卷十七

宦蹟

四百七十

苴之餽

名臣言行錄

莫將字少虛以父援任子歷任縣令有聲紹興七年除太府寺丞明年總賦江上入為起居郎充送伴使尋又充計議使擢徽猷閣待制京畿都轉運使遷工部侍郎借禮部尚書兼侍讀奉使金還朝除工部尚書克京西宣諭使俄以敷文閣學士知明州踰二載提舉江州太平觀除知福州又改廣州卒於官將在朝以學問自結主知太上屢行嘉獎其握節出疆尤熟敵人情偽太后鑾輅南返贈端明殿學士塋新建縣五諫鄉之新城里豫章志

徐瑀字叔肅以父俯廕補江東幹辦官陞積溪令歲饑上疏停徵轉判儀真捐俸築壩請於朝給工費銀五千餘兩既竣上其銀於朝蒙勤廉良吏之褒饒州府志

黃然字超然山谷之孫相之子也紹興初朝廷以山谷名在
黨籍命復其遺澤太上又嘗取山谷所書戒石銘以賜天
下州縣併錄其後於時相以正字召自蜀至荊州石首會
戎寇搶攘道路阻絕歸分寧捐館然以長孫補官自吏部
員外郎出為兩浙轉運判官繼提點江東刑獄權知台州
適當歉歲賑濟有方司農卿陳良弼被旨按行浙東諸郡
曰台州之政實冠一路除知歸州朝廷欲再以郎曹處之
辭不就未至歸州改除夔路轉運判官攝夔門帥改除成
都憲最後除潼川憲以祠歸得疾享年七十五終朝請大
夫

豫章志

黃霽字彪甫叔敖子歷知袁吉二州慎於用刑每決罰稍過
則感額曰吾德不足以化人故至是守兩州斷辟囚纔二

義寧州志

卷十七

宦蹟

二

五百四十

人自號靜樂居士子犖

豫章人物志○宋袁潔齋謂霽守袁吉永三州皆有惠政撫州志亦

紀霽在永賑荒弭盜等事

黃榮字子仁霽姪以祖澤補官知湘陰縣前宰相余端禮為

帥謂曰君凝重如此邑雖敝不足治也歷知筠州居家處

官皆有法度二子埈埆嘉定元年同登進士埈直秘閣知

建寧府壩巴陵主簿

全上○按霽榮通志俱列撫州人物選舉志則謂埈埆為進賢府志選舉

則云分寧人蓋叔敖杯土猶存山谷墓側後裔雖散寄臨川進賢雙井固其梓里也

元

冷復先號修源宋學士覺齋之孫舉茂材任會昌路教授累
遷肅政廉訪司照磨所至輒有循聲仲弟巽先號東臯由
鄉薦任清湘教諭興學造士嘗立義倉賙宗族豐歉價出
如常建義學訓鄉之子弟置義田若干畝季弟臨先以鄉

舉授國子學錄遷道州節判與翰林學士揭曼碩相友善
有送臨先之任懷集邏曹序稱其先湘陰君身修有典有
則言語議論出古今而師表一世湘陰君謂其父縣尹正
叔也

榮應瑞嘗任崇仁邑教官滿吳草廬為文送之謂應瑞發言
馴雅處事雍容與少者相安與老者相得內無町畦外無
圭角自始至逮官滿三年如一日藹然揖讓於洙泗間殆
非常人云使之有言責必不依阿而詭隨使之有官守必
不罷軟而勝任惜乎沈晦於下僚局促於冷職未得展所
蘊也

宋季安順帝至元時以薦辟累官至國子祭酒才華敏捷尊
賢重士與鄉先生程翼友善講論宋儒之學深明體用時

義寧州志

卷十七

官蹟

三

四百五十五

克仁者邑之隱君子也季安知其績學敦行特薦於朝詔
至克仁固辭不起季安亦解組而歸

明

胡仲轄號仁山帶溪人宗武孫洪武二十年由茂才貢舉任

廣西桂林陽朔縣知縣有政聲士民頌之比之卓魯祀名

宦祠

陽朔志

尋陞南京工部虞衡清吏司主事管造成匠終

於任

胡氏舊譜

胡仕謙字端笏號益齋縣治泰市人少岐嶷不凡為諸生時
通子史百家之書名重一時永樂二年由歲薦官福建連
城令連民多梗化謙推誠撫字教以敦士習勤耕桑息爭
訟任縣事十餘年民皆安堵以老乞歸民攀轅留之不得
立生祠以祀

華林舊譜

王瑛字凝輝高市人永樂六年鄉貢授東平州儒學訓導忠愛慈祥喜怒不形教人以存心養性為本土類感化人多慕之遂家東平而卒

潘衡字金峯號拙叟西鄉人宣德間以歲貢筮仕辰州有善政後調成都縣力行所學政教大行縣故有堰山水陡隄隄不時毀為各縣灾衡罄囊為民築石隄數十丈範之以鐵名鐵爪堰時其啟閉早潦有備至今賴之卒於任邑人為建祠歲時奉祀

寧拙拾遺

冷守中字天祐仁鄉梅溪人永樂中舉人材正統九年任興化主簿為民興利除害有惠政時興化久旱游饑守中盡心撫字傾誠祈禱大雨如注民賴以甦後人思其德立祠以祀子公相豪邁風雅號梅軒居士嘗與尚書高穀世倡義寧州志

卷十七

宦蹟

四

五百零五

和著有梅軒集

余漑高鄉人成化甲午鄉薦浙江孝豐知縣廉靜寡欲政先收愛至於義所不可吃有風裁有丞暴虐即白當道斥去之守干以私峻拒之尋相訐俱罷漑歸百姓遮留囊無餘貲食貧二十年足不履公府卒年七十有五

周叔慈字尚仁父仲宣能詩叔慈治詩經有聲屢舉不第入為太學生宏治乙卯授湖廣綏寧令邑為沅湘南徼溪洞夷獠出沒之地而黠民亦有陰構為孽者百姓苦之叔慈既至乃區別其種類度可以化誨者推誠撫諭遠近歸心焉仍蒐繕民兵嚴固要害為備禦計由是數年間無盜賊夷獠之患未幾卒於官喪車所臨百姓遮道泣奠而去

周季邦字公達季麟族弟幼有質行既長補邑庠生治春秋

宏治己酉領鄉薦丙辰登進士授建安知縣居官清介不
怵於權勢修葺學宮公暇進諸生聽講躬為品隲文藝以
示勸懲邑舊有考亭先生祠買田四十餘畝籍於官為歲
時祠祀費置預備倉發公羨銀糶穀充之歲歉有備先是
守以私屬季邦不從啣之會上計誣執其短藩臬長力為
辯雪俱調任季邦得松楊乃還建安移家父老攀號不忍
別其為松楊如治建安吏不敢欺百姓愛若父母年四十
一卒於官闕三月側室生遺腹子偁周佐者字彥相季邦
姪也慎取予行必踐其言里人某子甲鬻妻以償質錢佐
亟還其券嘉靖初歲饑捐粟賑貸授冠帶舉鄉飲大賓
查仲儒字文若號沙溪仲道之兄由歲貢官眉州通判甫蒞
任謁三蘇祠見其頽敗即捐俸修葺判眉五載慈惠為政

義寧州志

卷十七

宦蹟

五

五百四十五

子應元穎異博覽屢試冠諸生由選貢入太學授黃州通
判修白蘇二祠及雪堂西齋東坡諸勝蹟一時稱風雅總
持以不欲束帶見貴人遂拂衣歸應元弟懋元性淳而學
邃由歲貢授嚴州司訓雅有師範聞父病即告歸養

余功正高市後山人有學行正德間以歲薦卒業南雍授湖
廣荊門州同知操守嚴剖決敏薦陞四川叙州府通判分
署嘉明乃新剏於萬山中去叙三百里當播州永寧之衝
桴鼓數起功正勸諭酋長堅明約束聯什伍以息戎心時
催科以清逋賦復葺涪翁亭政先其大者以疾告歸吟咏
皓首不輟一赴賓筵卒年七十有八

陳大模高市人正德間由太學授寶應丞廉公有威誠心愛
民民亦敬愛之俸餘以調窮獨屬歲荒為粥給餓殍全活

甚衆癸未賊起暮夜遇之途間問知其為大模輒曰好官不可犯衆散去其誠能動物如此九載秩滿陞直隸滁州判官未任以暴疾卒

祝文字懋徵號豫川別號脩水遺民穎異秀發博覽羣書中嘉靖甲午鄉試閱十載授山東臨朐縣教諭邑中之科第文至訓士有方科名遂起聘典福建文衝再典浙江未及赴當道薦其剛方正直宜擢諫職即陞南直隸豐縣知縣政尚簡易吏畏民懷甫一年忽云予幼夢神謂我五十以學易註五十作卒予數果殆乎亟治裝歸須臾而卒著有謾浪集

鄒邦欽字守敬太鄉三都人嘉靖中歲貢任廣西柳州府推官在職以勤敏稱

義寧州志

卷十七

宦蹟

六

四百八十五

黃文聖名由魯以字行號東台犀津人山谷十九世孫萬曆甲午選貢授廣西蒼梧知縣以清廉著陞河南歸德府同知時閹豎縱橫民不堪命嘆曰吾職在牧民寧能忍民之困至是也即白監司藩臬沮抑之為閹所啣遂未超擢然清節直聲抑而彌著以疾乞休不得請卒於官民立祠祀之雙井黃氏譜

陳思忠高市黃土嶺人少勤儉自力萬歷間由藩司掾授廣西蒼梧丞有幹局聲陞邳州判官河工告成即乞歸終養有司移牒優禮焉悖鄰睦族出已產以供祭祀於弟兄無所問也屬有築城之役暴骸無主者日子棺瘞之捐金修延安寺及跨鰲橋計費不貲嘗一當鄉飲大賓年七十八卒子以朝登隆慶辛未進士歷任工部員外郎馳恩封父

奉直大夫蒲州知州人謂義方之報云

徐學軻字鄒卿號淑泉高市人少事舉業未遂萬歷間以胄監授涿鹿衛經歷衝要事劇游刃有餘初委署天津衛廠轉委署東安縣事撫字催科有方正聲兩臺交薦實授以親老力請致仕居鄉恂恂謹禮節教子姪家規截然士夫無不敬禮三舉鄉賓而卒咸稱其為長厚君子云

徐一文字章甫號繹象高市場上人少穎異有大志年十六以第一人補弟子員次年食餼博學有聲與邑人陳以朝同學於南昌劉洪謨劉同吾先生時太宗伯鄧文潔冢宰徐念吾咸敬重之屢科不偶應萬歷辛巳選貢除廣西梧州府岑溪縣尹蒞任三載興學校築城堡躬先教民其地近獠俱土官有八十三山偶因鄉民搶牛故獠頓舉兵犯

義寧州志

卷十七

宦蹟

七

五百四十一

順事上聞起兵勦之都督童元鎮莫能禦一文親率郡兵與長子師聖奮力破賊獲渠魁潘即善不殺示恩招撫兵始解兩廣都察院陳公大科巡按御史涂公濬交章薦之有獨處孤危備嘗艱苦發政則童叟沾仁招撫而遠近胥服之語上欲超擢工部主政命未下以言忤當事遂解綬歸家親課子弟厥後蔚起人以為忠厚之報云

余學申號思古高市人幼聰穎不羣質直博學其父家貧欲以屋名賃命作破題申年甫九歲即矢口云曠安宅而弗居求善價而沽諸食餼庠序歲科屢獲前茅知州方公沆甚尊禮之領萬歷癸卯鄉薦授觀城知縣政尚清簡卓有賢聲秩滿歸家兩袖清風泊如也人謂有古君子風

周元相號存赤高市人穎異不羣居家孝友不以世貴驕人

惟潛心理學閉戶讀書尋以歲貢授贛州信豐縣學博秩滿歸里一經似續厥孫必強官至工部屯田主事曾孫京元孫孔德孔思俱蜚聲黌宮殆亦世濟其美者與

王宗卿號明衢伯球之孫由歲貢授南昌府學司訓行履端方不事浮華課程謹肅品藻精當巡撫御史余公應桂重其行薦陞南漳縣學正署本縣事尋以病卒士民悲之

陳以蘊字仲宣號太函文麓次子生而岐嶷讀書一目可下五行為文深峭胸次浩瀚有古仲宣風郡守盧公州牧方公督學駱公蔡公俱以木天著作相稱詡以詩經中萬歷己酉亞魁三上公車不第授衡陽知縣為治勤慎摘伏如神肅保甲鋤豪右減屯馬請水免釐正士習弊除利興縣多猾胥結黨造私蒞茲土者無不掣肘蘊密發其隱白諸

義寧州志

卷十七

宦蹟

五百四十

上臺無漏網者自是豪奸斂手會桂府桐國於衡百務紛拏蘊為之甦其重困力役之下未聞勞民會大計吏御史上其績於朝銓部授試浙江道監察御史尋以病乞養歸卜鄰郡邸十餘年日勤定省取生平所著四書代言及詩說諸集付剞劂年七十有一而卒

陳以志字伯達黃土嶺人以蘊兄由選貢任河南歸德府通判政治卓越超陞安慶知府抵任謁希夷廟先夕廟祝夢神自外還次日至見塑像與志狀無二廟祝駭異後歸舟即無疾而卒羣以為希夷後身云弟以貞字去諒績學名儒考取拔貢無意仕進讀書自娛州守李友梅欽之聘編山谷外別二集及年譜等書行世卒年六十

何定遠號景懷泰鄉五都人少負大志精於韜畧崇禎丙子

歲草澤竊發詰戎兵憲謝公命率師勦禦遂平沈鄭魏之亂初謝公之任舟次吉州暴客夜劫謝公溺水定遠殺賊以保全之因薦於撫憲解公授以中軍官委鎮古城顧其廬曰北門鎖鑰及靖安干洲草寇交訐隣封震驚定遠同九府官兵決機進戰殲其渠魁厥功懋著兵憲金公詳申部院劉公題加遊擊不就歸聘名士以教子弟厥子若浩若汪若治若曰恭皆為寧庠翹楚

劉公元字大生州治鐵爐巷人中崇禎己卯鄉試國朝選授鞏昌府成縣知縣賦性慈祥雅尚恬靜時際軍興旁午不耐煩劇遂致政歸卒老於家

國朝

程九萬字起鵬號椿山崇鄉大椿人順治十三年選貢十

義寧州志

卷十七

官蹟

九

四百九十

七年任山東費縣知縣內寬外嚴整飭風紀屢辨冤獄費有淫祠每年需人以祭九萬齋戒宿祠知妖蛇為祟遂殺蛇毀其像妖竟絕費人驚服歷二載邑大治後因公註誤按院嘉其廉明特薦陞濟南知府未任而卒費人祠之弟衡字子權順治己亥歲貢授南城教諭不就鍾期逢字景唐武鄉義田人襟期倜儻行誼卓犖由貢監授安州知州地屬水鄉滿漢雜處息威並用吏畏民懷後以剛直去任莫竟其才

陳鏜字冠千州治高市人乾隆戊辰進士任海澄知縣海有沙洲曰圭嶼潮水落貧民墾為田豪猾侵踞詭為券以訟鏜讞得其情懲豪家而還之民調繁順昌俗多溺女親死則浮厝郊外鏜嚴禁之更捐俸立育嬰助葬之

法以俟其貧不能舉者大饑出粟分賑親賢好士建書院設學田修學宮葺志乘諸廢具舉秩滿以同知用卒於官

南昌府志

徐耀祖字湘沚州城鸚鵡橋人乾隆壬申進士任屏南知縣勵廉隅勤政事創書院勸富民捐田益膏火調光澤縣案牘塵積剖決如流丁憂服闋補花縣因病乞休未

幾卒

全上

周孔易字聖贊別字西崖太史孔從弟兄弟互相師友肆力詩文童試拔第一乾隆甲子舉於鄉庚午考授景山教習督課期滿引

見以知縣用丁丑冬選授廣東平遠知縣為政以剔弊安良為本縣西有鳳山書院舊無膏火資獨捐清俸給之生

義寧州志

卷十七

官蹟

十

四百七十五

童皆贊文就課師事惟謹縣有盜夜入富民家覺而追撻之盜竄鄰縣旋罹重案誣富民為其黨而富民先已客閩隣邑捕之急孔易偵之遣役假富民與盜質盜誤認役為富民遂立白其誣由是盜風頓息士民頌之曰辨牛識勝張元濟擒虎才高董洛陽平遠介閩粵之衝孔易善政旁流值生日遠近製錦稱壽者數千人未及二載疾卒於官民哀罷市著有燕臺詩草琴堂韻事子子亨原名學醇字容之號醴原舉乾隆丙午鄉試嘉慶戊辰挑發廣東試用知縣歷署陽江海康英德等縣雅有循聲以吏議改授樂安縣訓導

陳希徽字虞揚號育堂高城源人中乾隆庚辰

恩科舉人辛卯大挑一等分發直隸補授易州涑水知縣縣

居衝繁之地每以歲秋為

鑿輿巡行所必經希黻往來送迎籌辦供張自常例給辦公
三百兩以外獨益以廉俸絕不累於民民亦樂為効力
有召父杜母之心希黻又以縣中士習簡畧時教以通
經學古為務秩滿卒於任士民咸哀慕之

陳希賢字惠康別字曙軒密第二子乾隆四十年循川運
例由太學授臬司經歷銓次京師念寧之公車北上者
久無館舍捐三百金以父密名為首倡於是同志踴躍
襄助建寧州試館於京師之高井衙館成而捷南
宮者纍纍焉庚子補官陝西中丞秦承恩重希賢幹練
廉明屢檄以慮囚疑獄屬員累訊不決者希賢讞之多
所平反乾隆五十年署郤陽縣隣境有盜劫殺人囚逸

義寧州志

卷十七

宦蹟

十一

五百二十

希賢使捕得而械送之守獄者皆得免議五十一年署
鳳翔縣縣為入川孔道公事至車馬夫役舊例皆派於
民希賢悉除之民大歡轉署鹿原縣地瘠歲饑捐俸以
濟荒凡所蒞皆有政聲五十二年以上最入

覲補授三原知縣下車即求民疾苦首崇學校縣有學古書
院延名師益膏火以獎勵諸生士風大振一切商賈陋
規悉力罷之貢生王垣者負獄廟公銀六千兩大府追
之急勒變產以償垣攜其廢疾子來泣訴曰此子手足
已殘若家產盡死溝壑矣哀其危困捐俸二千金代克
其數王氏一家感再生焉五十四年薦陞孝義川同知
次年蒞任川近終南易以藏奸兼回漢雜處動相械鬪
乃廉其梟雄者置之法境內肅然希賢以積勞成疾力

請告歸行至河南浙川卒於旅次年四十二秦民間而哀之立祠以祀

余芬字循初別字桂岳泰鄉四都人乾隆庚辰舉於鄉辛丑挑發陝西以知縣試用旋補授山陽縣縣素稱巖邑芬至以信義導民文學訓士捐廉俸建修豐陽書院延名宿教育邑中人士暇則親為講課士習民風悉化弦歌之雅久之進邑紳士與語曰傳有云勇夫重閉况國乎今山陽城堞坍塌不亟築之何以備豫不虞皆應曰諾於是士卒覓藻踴躍捐金鳩工伐石百堵皆興不數月而山陽之城翼然永固未幾以事去官士民無老幼泣送者絡繹不絕於途家歸授徒講學十餘載蕭然儒素無幾微見色卒年七十六

義寧州志

卷十七

宦蹟

十三

五百

榮錫楷字樹東號魯嶠奉鄉人幼穎敏大父廷彥愛之年十三入郡庠肄業豫章中乾隆辛卯副榜己亥鄉舉辛丑成進士壬子授貴州知縣署安平安平衝邑也楷撫恤周至民不疲役旋署開泰縣甲寅鄉闈充同考官回任適楚苗蠢動銅仁苗相應滋擾撫軍檄委兼程趨赴管銅仁府糧務乙卯二月奉公相福敬齋委往麥地汛辦理糧站跟役二三人過豹子場正大營一路皆賊巢至麥地汛萬山岑寂中立糧臺環以木柵屯軍二百名日夕戒嚴楷衣不解帶者月餘一日苗百戶告曰楚苗覬覦糧臺今必來未幾前山賊眾擁至楷曰大營嗷嗷需轉運甚急敢誤軍食乎眾感激奮擊之賊稍退越五日有吳半生者騎白馬領苗匪數千復自前山直逼糧

臺衆錯愕環楷泣楷曰無怖尚可守萬一臺破糧劫我
惟一死以報國也口呼指畫麾屯兵拒賊張佛郎機
轟擊傷苗匪數十人苗衆奔糧臺卒保無虞初夫役聞
警多逃逸而站上又不得一日停運楷焦思籌畫轉運
如期後接辦正大營站務地衝事劇調理悉井井撫軍
奏補開泰嘉慶丙辰春撤站額二墩以新舊三載從戎
有功擬以同知陞用楷回開泰任惟以文教化俗以仁
心恤下土著苗民皆安之嗣以軍營積勞成疾懇告歸
里著有魯嶠文稿詩集行世

黃迪字廷英武鄉人由銅鼓營外委陞奉新把總駐防十
二年盜弭民安乾隆戊戌大旱縣令往省迪設壇禱雨
不應民憂甚聞越山有神泉禱素驗議偕往多憚其遠

義寧州志

卷十七

宦蹟

十三 五百一十

迪奮然曰昔高公南壽宰奉新因旱禱城隍有願減十
年壽乞為三日霖之句高公為民不畏死某武人也敢
畏遠乎即日阜衣草屨徒步七十里至山隘攀藤而上
匍伏虔叩須臾雲油雨沛田疇漲溢民皆歡呼以迎謠
曰把總雨穀士女雨我田禾盡起鄒侍御玉藻贈句云
果然帶得雨歸來脚踏烏雲手放雷諸紳和者數十人
謝事歸侍御甘立猷為撰去思碑

王瀾字靜夫號穢堂奉鄉大里人乾隆丙申循川運例捐
授縣丞簽發直隸歷署密雲阜城赤城遷安廣昌諸縣
補宣化知縣任密雲時值

車駕巡行秋彌以密雲當關外衝要命撥綠營兵二百名
守城瀾聞之馳稟制府謂恐擾民請奏免制府驚曰命

已下安敢違瀾叩請不已制府素知其能且為民請遂
奏懇免撥

上可其奏密雲民大悅任赤城時歲大饑富民畏劫搶閉麥
粟不敢發瀾親出諭饑民編立保甲遂勸富戶平糶一
縣皆安陞知薊州署易州通州俱有惠政瀾官直省三
十餘年才識精敏練達時務制府方觀承梁肯堂劉莪
皆器重焉卒被吏議鬱鬱以終論者惜之

張瑜字裕秀號潤亭武鄉懷遠都人乾隆壬午舉於鄉辛
丑大挑二等壬寅補星子訓導兼監白鹿書院訓課有
方諄諄不倦乙卯選授四川昭化知縣禮士愛民訟無
冤獄嘉慶戊午充同考試官所得士皆清才四年賊匪
蔓延極力堵禦境內乂安以功加一級五年調署威遠

義寧州志

卷十七

宦蹟

十四 四百九十

縣一載卒於任

袁珥字揮簡別字念圃武鄉東許人乾隆庚寅舉於鄉辛
丑大挑一等簽發湖南以知縣試用珥聰強練達剛柔
兼濟歷署岳州長沙同知有政聲轉署醴陵縣時舊令
病故厚贈其妻孥輿櫬以歸復署乾州同知乾地苗俗
獷悍有小忿輒聚眾刃鬪珥至開誠化導苗皆蟄伏題
補邵陽縣奸民多假命獄以詐財珥治以刑威刁風頓
息旋以寬縱獄囚掛吏議揭叅奉

旨送部引

見仍發湖南以知縣用尋補永興縣乙卯春苗民蠢動
王師討之營於辰州調珥赴辰州出賑難民向例大口米一
升小口八合理合大小而均之民服其公平遷署辰谿

與賊巢近隔一河賊乘臘晦擁衆大至珥身腰弓矢率武舉張明俊等帶領鄉勇數百戰於小田坪斬馘數十級生擒酋首劉大等置之法賊由是不敢復渡河是役也奉詞辦軍需者十數員各領帑金十萬珥獨節用三萬及報銷核筭惟珥用銀最少議叙加一級實授永興縣初縣民有女為妖所憑奔控於縣珥笑曰汝姑待我能治之遂齋三日牒城隍神妖竟絕縣故有安陵書院珥重修捐廉給諸生膏火親為講學課文品題甲乙士風大振縣有獄囚已出其無辜後攝篆者復改入珥堅執前斷厲聲曰南山可移此判不改吾豈忍以民命遷官耶卒出之嘉慶五年謝病歸捐餘俸買穀數百石置倉宗祠以濟族中之貧寔乙亥舉鄉飲正賓讀書談道

義寧州志

卷十七

宦蹟

十五 五百十

以自娛卒年七十五著有敬亭詩集東橋文稿子四列深漸磐孫翰書俱庠生季子鳴謙舉道光壬午鄉試

溫溶字自如號瀾圃懷遠都人乾隆戊申考館供事議叙八品簽發閩省試用縣丞所至以編保甲弭盜賊為先務署麻沙車田二縣丞勦捕會匪逆黨嘉慶十四年調補斗六門縣丞清丈全臺屯田益地數萬畝以利窮黎權嘉義知縣以擒獲逆匪功卓異調署臺灣平糶賑粥全活者衆二十三年制府董奏溶年強才明老成勤幹在閩二十餘年熟悉海疆情形請補晉江知縣未任卒於臺灣

張問行字馨祖別字雲巖奉鄉人幼聰穎年十五試冠童軍補弟子員旋食餼援例授訓導初任永寧有二生訐

訟一生賄四百金以沽直問行麾而斥之翼日招兩生
諭以曲直使之罷訟一縣咸服其公明尋署廣昌有魏
生祖母苦節無力請 旌問行廉得其實為之申請並
贈以金禮部主司李開元郵寄詩云我在 京畿聞令
望暮雲春樹懷珪璋其為士林悅服如此年方艾以疾
卒惜未竟其才

李崑字寶林別字片山奉鄉龍坪人體貌魁竒乾隆丙午
武科解元乙卯會試中第八名進士

殿試二甲四名授

御前侍衛管理鑾儀衛事嘉慶八年補授貴州銅仁府松桃
鎮都閫時教匪未靖鎮地多苗俗雜操易生蠢動崑簡
練士卒臨戎以威每校場試射親挽強弓發無不中酋

義寧州志

卷十七

宦蹟

十六 四百八十

虜皆懾服十四年陞授直隸天津鎮標中軍府遊擊兼
署都督府時天津有蘇花臉者劇盜也聚黨數千人晝
伏海舶入夜分劫擄掠金帛婦女無算官吏畏之不敢
發崑偵探之盡得寇狀遂謁總鎮薛大烈屏左右密告
以故大烈名將也怒曰小醜何敢爾吾與汝今夕直搗
巢穴擒之即下令整飭士馬命崑為先鋒漏二鼓馳至
賊舶賊方聚飲直入舟中眾軍齊登手刃十四賊羣賊
跳伏水中頃之大烈兵至雷發雷震賊股栗出水就擒
崑知薛必先馳奏不令制府覺乃夤夜遣弁疾遞官書
稟知制府溫溫翼日拜劄而薛奏先達一日

欽差已啣

命飛提審辦卒致兩臺互訐崑遂不得以軍功遷秩守天津

十載和靜寬恕軍民悅服二十五年陞河南河汝陝州
叅將益加持重訓習弁兵紀律森嚴暇則行屯田之法
道光四年以痺疾卒於官年六十四性喜賓客好談文
史有雅歌投壺之風

舊志補遺

劉庾號梅溪宋光宗時由明經領鄉薦官至左司寇性至
孝母歐陽氏病瘵多方延治弗瘳庾籲天求以身代刲
股和藥以進母疴頓起紹熙間慷慨陳言中貴抑不報
憂憤以死上聞賜諡忠愍

按州方志缺載劉庾庚申班志補入咸淳四年解試註
又云理宗朝進士丁巳選舉志仍載咸淳而補遺傳又
稱紹熙是不但彼此互異即一手之書而兩歧矣傳云

義寧州志

卷十七

宦蹟

十七 四百八十一

宦寺縱恣庾諫不聽致自刎考史稱紹熙初政屏嬖幸
惟受制悍后不朝重華翊善黃裳上疏請誅內侍楊舜
卿秘書郎彭龜年請逐陳源五年臺諫交章劾陳源楊
舜卿林億年離間兩宮豈庾之諫在此時與而史顧軾
之舊志年代官爵無可據依今節錄丁巳補傳列於人
物宦蹟中

戴榮宗諱大用居高鄉三十七都板石橋官至刑部尚書
勅葬小流弟顯宗祥符八年任陝西按察使

前代人物或典籍無稽或子孫零落其缺遺者多矣丁
巳補遺凡十餘人戴復古今載入流寓黃次山載名臣
宋朝寅朝奉瀚詳選舉宋季安載列傳盧鑑詳邱墓施
肩吾按係睦州分水人董晉詳仙釋嚴仁勇事入雜記

餘姑附此以待考核

義寧州志

卷十七

官曠

六

二十二